

- I De Commensio Lazaris in Pr
vinciam Appulsa.
- II Disquisitio Disquisitionis De Magdala
Mansiliensi Florentina
- III Vindicta fidei et pietatis Provinciae
pro Celicibus illius Incultis rest
tuendis aduersus priores duos Dissen
siones Lauroy Rurum: Honorato
Bouche



DE
COMMENTITIO
LAZARI
ET
MAXIMINI;
MAGDALENÆ
ET
MARTHÆ
IN PROVINCIAM
APPVLSV.

DISSERTATIO.


Auctore IOANNE DELAVNOY
Constantiensi Theologo Parisiensi.

*Post Deum Veritas colenda est, qua sola
homines Diis proximos facit. Martinus
Bracarenfis libro de moribus.*



LVTETIÆ PARISIORVM.

M. DC. XLI.





NOBILISSIMIS,
CLARISSIMISQUE VIRIS,
DECANO,
CANONICIS
ET CAPITULO
AVGVSTODVNENSI



ÆSITAVIT *animus aliquandiu*, Viri Clarissimi, num illa vobis de Lazari nostri rebus significarem, quæ studiosa Academici contubernij otia mihi pepererunt. Sed hæsitacionem tria vicere, meum in vos obsequium, vestra cum in me benevolentia, tum in Deum pietas. Exigit obsequium, ut vos de rebus vestris reddam certiores, benevolentia me de priuata commotione securum facit, pietas imperat Chri-

fianam in scribendo libertatem, immo, & ex solo suo nomine certam audientiam spondet. Res igitur sic se habet. De Lazari nostri rebus cum illo theologo, cuius nomen in operis fronte videtis, non semel communicavi sciscitatus, an vera Ecclesiæ traditione fulcirentur, quæ de Lazaro & in nostris, & in aliorum libris circumferuntur. Renuit ille sæpius ea super re quid sentiret aperire, sed nihil tandem aliud mihi adferens, nisi quod olim in Cleonem dictum monet Suidas; *Ψευδατεγραφεῖος πλέαν εἶναι τινὲ βουλῶν*. Atenim cum urgerem nihil esse, quod à me timeret, immo verò esse, quod de me optimè mereretur, ingenuè dixit ea omnia ex Ecclesiæ nostræ libris tollenda videri, quæ de Lazari Episcopatu, Martyrio, & Translatione narramus. Verùm illud vix caperent angustia eorum ingenia, qui non fortè credunt, Lazari gloriam hominum figmentis erigi, sed qui narrationibus Breuiarij sui quamlibet fabulosis incredibiliter delectantur. Neque verò hæc prius audiui, quàm quæsiuerim ex Doctore, quid ergo certi, quid-ve dubij de Lazaro per veram Ecclesiæ traditionem haberetur? Quærendi causam suggeriebant Concilia duo, Senonense, & Tri-

dentinum, quæ statuerunt, Libros Ecclesiastici Officij purgandos esse ab incertis Historijs, quibus proculdubio nec Ecclesiæ illustrantur, nec fideles ad Christianam pietatem instituuntur, nec Sanctorum auxilium imploratur, nec divina laudatur maiestas. Itaque Theologum enixè rogavi, ut siquid hac de re accersiti haberet, me illius pro sua humanitate participem faceret. Quod & eò facilius consecutus sum, quo ex me speravit istud ad Dei, & Ecclesiæ nostræ honorem nonnihil profuturum. Dissertationem igitur hanc mihi in manus dedit, quâ una ex parte vetus de Lazaro traditio retinetur, ex alia reiiciuntur, quæ de eodem fabulosa recens inuexit posteritas. Ceterum hoc pii laboris officium non prius mei iuris fuit, quàm & vestri quoque esse volui, ut ex eo siquid ex Ecclesiæ vestræ libris corrigendum est, corrigatur. Scio quidem aliquid habere antiquitatis, quæ de Lazaro libri vestri tradunt, sed ad veram traditionem non sufficiunt, & hac qualicumque antiquitate ampliora sunt iura veritatis, extra quam nec Deus adoratur, nec amicus Christi Lazarus colitur, quin etiam deonestatur. Veras ex se sibi laudes vindicat Augustodunensis Ecclesia, nec ullo ad sui

*comendationem hominum eget mendacio : Sua
 sine fabulis habet ornamenta , quibus cum
 multis Galliarum Ecclesiis sanctissime iuxta
 & verissime certet. Quid referam celeberrimum
 Symphorianum , Andochium , Thirsum ,
 & Felicem inter primos interioris Gallie Mar-
 tyres ? Quid Reticium , Siagrium , Leodega-
 rium ? Quid plures alios , qui optimis & vitæ &
 doctrinæ institutis Ecclesiam vestram infor-
 marunt ? Quæ de tam excellenti argumento
 dicturus essem , nemo vestrum ignorat. Flo-
 rent adhuc inter vos , qui manantem ex re-
 stitutis olim Menianis eruditionem in se deri-
 varunt. Panegyrim non scribo , sed Epistolam ,
 Viri Clarissimi , cuius in asserta veritate
 unicus finis est , & meæ in puriorem Dei &
 Lazari cultum voluntatis significatio , &
 perpetuum in vos & Ecclesiam , cui tam pie
 servitis , observantiæ monimentum.*

*Ex Navarra Parisiensi die 3.
 Octobris , qui B. Dionysij
 Arcopagitz Martyrio facer
 est 1641.*

*Vobis addictissimus PHILIBERTVS
 DE MONTAGV August. , Baccal.
 Theol. Concanonicus vester.*

IN DIS-



IN DISSERTATIONEM
DE

COMMENTITIO

L A Z A R I

ET

MAXIMINI,
MAGDALENÆ

ET

M A R T H Æ
IN PROVINCIAM
APPVLSV.

*PRÆFATIONCVLA LECTORI
necessaria.*



VAM disputandi rationem præ-
stituit Deus apud Hieremiam
Prophetam, omninò sequimur;
nequis sui nimium, rerumque suarum a-
ē

mans nos deinceps calumniatur: *Hæc dicit Dominus stete super vias, & videte, & interrogate de semitis antiquis, quæ sit via bona, & ambulate in ea.* Quod uti commodè fiat, & ad assertionem veritatis appositè, Dissertationi geminam tribuemus partem, sed quæ insuper tota his quatuor præscriptionibus, ut scernendæ à mendacio veritatis gubernaculis dirigetur. Prima est, in rebus, quæ ad historiam, & traditionem pertinent, ijs maximè credendum, qui quo tempore res ipsæ gestæ sunt, scripserunt, dum nemo ceteroqui coævus notæ probitatis, & doctrinæ refragetur. Altera, post coæuos auctores magis eorum scriptis assentiendum, qui rerum gestarum temporibus viciniore, quam qui remotiores fuerunt. Tertia, Apocrypha, & quæ incerti sunt auctoris, ac potissimum recentioris, aduersus rationem, & receptam maiorum traditionem ponderis nihil habent, ac momenti. Quarta, perspicua Neotericorum, qui de his quatuor Sanctis hominibus infra annum Christi millesimum scripserunt, cum ab antiquorum omnium consen-

sione, tum inter sese in plerisque dis-
 sensio. Has autem de rebus historicis,
 & traditioni commissis differendi leges
 nullus opinor respuet, qui sit curiosus
 veritatis explorator, scriptorumque ve-
 terum literatè peritus. *Quis*, inquit,
 Tertullianus lib. 4. contra Marcionem
 cap. 4. *inter nos determinabit, nisi tempo-
 ris ratio, ei præscribens auctoritatem, quod
 antiquitas reperiatur, & ei præiudicans vi-
 tiationem, quod posterius reuincetur. In quan-
 tum enim falsum corruptio est veri, in tan-
 tum præcedat necesse est veritas falsum.* Por-
 ro verò Dissertationis pars prior con-
 stantem inter Græcos, & Latinos ex-
 hibebit traditionem, quæ Lazarum, mag-
 dalenam & Martham in Oriente vixisse
 clarum erit, ac tandem deuixisse:
 ubi & producemus euidentissima, quæ
 distorqueri, & probatissima, quæ re-
 pelli Tertulliani legibus non poterunt.
 Sed Maximinum non attinget, quem ve-
 terum nemo nouit. Posterior friuolas
 quasdam narrationes in certam intex-
 tus perniciem historiæ, & traditionis
 discindet, & quæ fabulatoribus cau-
 sa fingendi fucrit in multis, examina-



DISSERTATIONIS

PARS PRIOR

ANNORVM MILLE

RATIONARIVM CONTINENS.

A tempore Christi ad annum vsque millesimum à Græcis vniuersim , & Latinis traditum est , Lazarum Magdalenam & Martham in Oriente obiisse: de Maximino Magdalensæ seu Duce , seu Comite , qui primus Aquensium Antistes fuerit , nulla vsquam mentio.

C A P. I.

*Propositum Lemma ex Auctioribus
Græcis probatur.*



NOVAM è veteri rem aggredimur, in qua primus nobis auctor erit Epiphanius, qui receptas maiorum de Lazaro traditiones vindicauit lib. 2. Hæresi 66. quæ est Manichæorum: *Nec est, inquit, quod sibi quisquam persuadeat Lazarum subinde esse mortuum. Hoc enim Euangelium aperte*

A

declarat, accubuisse postea Iesum; & cum eo Lazarum similiter accubuisse. Quin & illud inter traditiones reperimus, triginta tum annos natum fuisse Lazarum, cum à mortuis excitatus est, atque idem ille triginta aliis annis vixit, atque ita mortuus ad Domini rediit. Qua quæso in orbis parte hæc Lazari mortem contigisse veteres Græcorum traditiones docent? An in Occidente, vbi cum nulla tam vetus de Lazari morte traditio fuerit, inde ad Orientalium traditiones transire non potuit? In Oriente rectè dixeris, cuius traditiones Epiphanius collegit. Primus sanè mortis Lazari, & in tali orbis parte, & in tali vitæ termino nuncius ad Locum traditionem spectat, vbi Lazari sepulchrum, epitaphium, & translationem postea cernemus. Quinetiam Siquis de suo, aut ex inanibus recentiorum scriptis Massiliensem, vel alium Episcopatum, & Martyrium Lazaro affingat, veterum traditiones adulterabit. Siue enim prima ætas, quam habuit Lazarus, cum exanimis ad vitam reuocatus est à Christo, siue secunda, quam reditus egit, consideretur, Episcopatum in Lazaro, & Martyrium qualibet illius

ætate illustriora fuisse multò, ac notiora quis ambigeret? hæc sanè duo de mendacio recentiorum præiudicantur, cum nec Epiphanius de fortuna Lazari locutus, nec maiorum traditiones ante Epiphanium ista nouerint.

Secundus Modestus Hierosolymorum Præsul, qui apud Photium codice 275. egregiam habuit ante annos mille ~~de vnguentiferis~~ de vnguentiferis Virginibus orationem: *Historiæ*, inquit, tradunt Magdalenam, de qua Dominus septem dæmonia eiecit, hanc Virginem fuisse & Martyrium huius memoratur, ubi dicitur propter summam illius virginitatem, & puritatem, illam tanquam vitrum purum tortoribus visam fuisse: post obdormitionem sanctissimæ Domine nostræ Deiparæ profecta est Ephesum ad dilectum discipulum, ubi cursum Apostolicum per Martyriam vnguentifera Maria perfecit, nolens ad extremum usque spiritum ab Ioanne Euangelista & Virgine separari. Siste gradum lector, & ex his ritè perpensis, sic multa tecum ipse nunc reputa. 1. Quæ in Palæstina Modestum nostrum antecesserunt Historiæ, Magdalenam E-

phesi vita defunctam tradiderunt, 2. Consignatæ monumentis historiæ eò loci fuerunt, in quo & res ipsæ gestæ. 3. Historiarum conditores cum Modestum præcesserint, æquales non potuerunt non esse Magdalensæ, aut certè suppare: ex quo non nisi de industria fallerentur, & alios fallerent, Sed istud sine piaculo quis crederet destitutus patrocinio Antecessorū? 4. Modestus acceptas à maioribus historias cum & oratione & auctoritatē confirmet sua, aliam tunc in Hierosolymitana Ecclesia non fuisse de sua Magdalena traditionem liquet. 5. Hic auctor sexcentis aliis hac in parte eò anteferendus est, quod cum & ei tres Palestinae subiicerentur & vir egregiè doctus esset, quinam his in locis Sancti obiissent, quinam colerentur, ignorare vix quiuerit. Non ergo veritate nituntur, qui vexatam à Iudæis Magdalenam conscensa naue in Massiliensem appulisse portum, & inde in Aquense territorium profectam, ibique longo pœnitentiæ squalore confectam excessisse, recenti memoriæ prodide-

runt. Negas tu forsan ? Sed quorsum ? Audio verò. Quod domesticum , & prius ab Hierosolymorum Christianis traditum , falsum , at quod extraneum & immissum posterius, verum erit ?

Tertius Léo Philosophus , qui factis potius , quàm verbis , optimè tamen nostram veritatem asseruit. Sacras quippe Magdalenæ & Lazari reliquias non Massiliâ , vel Aquis Sextiis , vbi pridem iacuissent , sed Epheso & Citio Constantinopolim transtulit anno circiter 886. quo imperium Orientis cepssit. De Lazari reliquiis testatur ex interpretatione Cardinalis Sirleti Græcorum Menologium , quod licet non sit admodum vetus , veterum tamen Orientalium fidem , & egregium Imperatoris facinus repræsentat. Ad eisdum : 17. Octobris. *Relatio pretiosarum reliquiarum sancti & iusti Lazari , quas reliquias celeberrimus & fidelissimus Imperator Léo diuino Zelo commotus in templo pulcherrimo sub eius sancti viri nomine dicato ex urbe Citiensi Constantinopolim translatus in argenteis loculis reposuit.* Porro de Magdalenâ nihil habet aliud præter ista die 22.

Julij: Natalis sanctæ Mariæ Magdalena.
 De Lazari & Magdalenaë reliquiis testatur Zonaras Tom. 3. Annalium in Leone Sexto; *Condidit & aliam eadem sancti Lazari nomine, in qua sacrum eius corpus è Cypro translatum nec-non Mariæ Magdalenaë condidit.* Zonaram sequitur Cedrenus in Compendio Historiarum: *Ibidem aliud templum condidit (Leo) beato Lazaro sacrum, in eoque Lazari & Mariæ Magdalenaë reliquias Epheso allatas reposuit.* His demum accedit Curopalates in Historia: *Leo Imperator Templum construxit sancto Lazaro dedicatum, in quo Sancti allatum corpus reposuit, atque sororis ipsius Mariæ Magdalenaë.* Et quamvis hi tres Historici aliquanto post decimum sæculum floruerint, quia tamen idem ab Leone gestum narrarunt, eos nostri ad capitis epocham consultò reuocauimus.

Quod si quis autem post Leonis excessum Lazari corpus Constantinopoli vidisset, atque ex eo Lazarum fuisse quondam Byzantinum antistitem collegisset, nonne quæso ridiculus iuxta, atque ille fuisset, qui cum nunc die-

rum alterum Lazari nostri brachium
Massiliæ vidisse se profitetur, Laza-
rum inde Masiliensem fuisse Episco-
pum conclusit. Itane vero? tantum in
tanto viro subtilitatis, qui maculas in
sole nuper deprehendere, sed rudi pe-
nitus, & pessimum in modum orbicu-
lato specillo tentavit? Verum quod nul-
li alij hac in re indulgeretur, hoc illi
vni indulgendum. Quid enim ut & in
plerisque aliis bonus scriptor affirmaret,
nesciit: At quæ singula noverentur, indi-
gna. Haftenus de Græca & Orientali
traditione, in qua nihil omnino est,
quod ex præfixo disputationi limite
nobis opponatur. Nunc ad Latinam &
Occidentalem pergamus.

C A P. II.

*Propositum Lemma ex Auctoribus
Latinis probatur.*

Latinorum agmen ducet Gregorius
Turonensis lib. i. de Miraculis cap.
30. de Ephesiorum vrbe locutus: *In ea,*

inquit, *urbe Maria Magdalena quiescit, nullum super se tegmen habens.* Hæc ille, qui tam diligenter Sanctorum Galiliæ, & aliarum omnium Nationum miracula copiosèque conquisiuit. Age verò si quis tunc de Lazari, Magdalenæ, & aliorum in Prouinciam accessu fuisset vel leuissimus rumor, eumne prætermisisset studiosissimus Historicus, aut rem huic accessui contrariam scriptis commendasset? Hic ad communes locos confugient fabularum Patroni, & quicquid vsquam peccauit Gregorius, adferent, vt ex iis hoc etiam in loco peccasse censeatur, qui cum primis alioquin Orientalium Ecclesiarum traditionibus consentit, qui quod à maioribus accepit, hoc & posteris reliquit.

Gregorium sequetur Martyrologium Romanum, quod Ado seruauit, & venerabile ac perantiquum appellauit. 22. Iulij *Natalis Beatæ Mariæ Magdalenes.* 17. Decembris. *Lazari, quem Dominus resuscitauit, & Marthæ sororis eius in Bethania.*

Romanum Martyrologium excipiet Beda

9

Beda in eo Martyrologio , quod sub eius nomine vulgatum est. 11. Calend. Augusti , *Natale sanctæ Mariæ Magdalænæ , de qua ut Euangelium refert , demonia septem eiecit Dominus , quæ etiam inter alia dona insignia Christum à mortuis resurgentem prima videre meruit.* 16. Calend. Ianuarij : eodem die *Beati Lazari , quem Dominus suscitavit à mortuis , & Beata Marthæ sororis eius , quorum venerabilem memoriam extructa Ecclesiâ non longè à Bethania , ubi è vicino domus eorum fuit , conseruat.*

Bedam proximè affectatur sanctus Vuilibaldus Aichtadianus Præsul , qui ad annum 745. loca sancta inuisit , & vidit , quæ Gregorius Turonensis de Magdalænæ sepulchro recensuit. Quæ de re sic in Itinerario seu Vita sancti Vuilibaldi apud Henricum Canisium Tom. 4. part. 2. Antiquarum lectionum : *Transitis Choo , Samoque Insulistas salo artus apud Ephesum Asiæ Insulam expanunt , ubi postquam ad sepulchrum sancti Ioannis Euangelistæ ebulliens inde manna admirantes lacrymis perfuderunt , postquam se septem dormientibus , & Mariæ*

*Magdalena ibidem requiescenti commenda-
uerant, &c.* Hæc retulit sanctus Episco-
pus ei, qui Hodoeporicon illius des-
cripsit. Quis verò tam desperatæ esset
diffidentiae, qui vt prædamnatis 83.
Canone Codicis Africani, & lib. 1. Ca-
pitularium Capite 42. somniis ignoto-
rum, recentiorumque hominum credat,
sancto Præsuli, & oculato testi fidem
abrogaret?

Vsuardus Monachus Parisiensis quin-
quaginta circiter post Vuilibaldum an-
nis Martyrologium confecit, in quod
maiorum de Magdalena, Lazaro, & Mar-
tha traditionem deriuauit. 22. Iulij.
*sanctæ Mariæ Magdalene. 17. Decem-
bris: Eodem die Beati Lazari, quem
Dominus Iesus in Euangelio legitur
resuscitasse à mortuis. Item Beatae Mar-
thæ sororis Beati Lazari, quorum venera-
bilem memoriam extructa Ecclesia non longè
à Bethania ubi è vicino domus eorum fuit,
conseruat.* Molanus in editione Vsuardi
à vetustis exemplaribus aberrauit, vbi
quæ hîc de Beata Martha dicuntur, ad
quartum Calend. Augusti reuocauit.
Post Vsuardum locus est Rabano Mo-

guntinensi 11. Calend. Aug. *Natiuitas Mariæ Magdalena*. 14. Calend. Februarij. *Hierosolyma natale Marthæ & Mariæ sororum Lazari*.

Rabano coætaneus Ado Viennensis & Prouinciæ citimus multorum instar haberi potest : Illum igitur audiamus in Martyrologio 22. Iulij : *Natalis sanctæ Mariæ Magdalena* : & in libello de festiuitatibus Apostolorum. *Natalis sanctæ Mariæ Magdalena, de qua ut Euangelium refert, septem demonia eiecit Dominus, &c.* ut apud Bedā, 17. Decēbr. *Item B. Lazari, quem Dominus Iesus in Euāgelio legitur resuscitasse à mortuis. Item B. Marthæ sororis eius, quorū venerabilem memoriā, &c.* ut apud Bedam. An potuit Ado Massiliensium, Aquensium & totius Prouinciæ opinionem, quam modo ingerunt, ignorare ? An non debuit statim reprehendi, quod Lazarum Massiliæ, & Maximum Aquarum Sextiarum primos non fecerit Episcopos ? In summa quod hodiernas, siquæ tunc fuissent, Prouinciæ, ne dilaberentur, traditiones non iece- rit in Codicem Martyrologij ? Dices fortean illud Adonis incuriæ dandū es-

se, cum inuidiæ tribuere 'nefas foret. Sed quisquis es, qui hocingas, sustine tantisper, dum expenderis præfationem auctoris. *Ne putes, inquit, me in hoc opere in vacuum laborasse, rem unam non necessariam executum fuisse, breuiter tibi causam aperiam, primum fuit imperium ac iussio sanctorum virorum, &c. Deinde collecti undecumque Passionum codices animum in tantum fuscitauerunt, ut non solum præteritis dierum festiuitates, verum & aliorum, qui per totum annum ibi notatim positi erant, latius & paulò apertius describerem: Considera igitur collectos undecumque Passionum codices nihil continuisse, quod ad Magdalensæ & aliorum in Prouinciam aduentum spectaret. Quidni enim Lazari, Magdalensæ, Marthæ festiuitates paulò latius descripsisset? Quidni Magdalenam Aquis Sextiis à Maximo sepultam dixisset? Quis enim vir prudens vbi ex omnibus locis, & gentibus agones Martyrum, & palmas Sanctorum conquisiuit, Suorum, aut Vicinorum triumphos omisit? Nemo cauebitur opinor simplex istud esse abnutium epicherema, quo primam maiorum traditionem defendimus, & ad-*

uersus inanes Recentiorum historias de nouitate præscribimus.

Adonem sequetur] appendix Adonis ad 19. Ianuarij : *Hierosolymis Marthæ & Mariæ sororum Lazari.*

Appendici succēturiabuntur tria manuscripta Martyrologia , vnum sub nomine Hieronymi vetustissimum , alterum Corbeïense , tertium assutum Remensi Sacramentario , in quibus hæc de Beata Martha disertè habentur : 14. Calend. Februarij : *Hierosolyma , Marthæ & Mariæ sororum Lazari : seu Hierosolyma , Maria & Martha sorores Lazari.* De quibus vide si placet eruditissimas Menardi notas in librum Sacramentorum Gregorij , qui propediem lucis vsura fructur.

His tribus Martyrologiis adiungimus Notkerum in Martyrologio 14. Calend. Februarij : *Hierosolymis natiuitas Sanctarum Marthæ & Mariæ sororum Lazari.* II. Calend. Aug. *Natiuitas Sanctæ Mariæ Magdalene , de qua ut Euangelistæ referunt , demonia septem Dominus eiecit , quæ etiam inter alia dona insignia Christum à mortuis resurgentem prima vide-*

B . iij

re & Apostolis predicare promeruit. Quaverò ratione hic auctor postea decimū septimum Octobris Marthæ assignet, nondum comperi: Marthæ, inquit, Sororis Lazari. De Lazaro nihil habet.

Notkerum excipiet Menologium Græcorum 22. Iulij: *Natalis Sanctæ Mariæ Magdalene* 4. Iunij: *Natalis Sanctarum mulierum Marthæ & Mariæ.*

Epocham concludet Flodoardus Remensis Presbyter, qui ad annum 920. floruit lib. 1. de Triumphis Sanctorum Palæstinæ cap. 27.

*Pluribus hæc tellus hinc priscae legis alumni,
Inde nouæ rutilat; Christi quos gratia saluat.
Hæc quoque Magdalene regione Maria refidet,*

*Dæmonibus pulsus Iesus quæ flaminis almi,
Vt feruenter amet, patet esse pacem.*

*Cuius ita Christo placuit dilectio pura,
Vt Stygiis illum redeuntem prima videret,
Ex claustris Erebi violenta lege soluta.*

*Hic prope Bethaniam tibi Lazare Sancte
sepulchrum*

*Vnde quaterno postquam te sole retentat
Hic Domus Ecclesia est tua, sororumque
tuarum.*

Hoc ex manuscripto codice sanctæ
 mariæ Laudunensis, in quibus accu-
 rata carminis ratio quærenda non
 est, sed sola tantum præclusio nouitatis.
 Nunc edisserant quæso nobis, cur
 in hoc, vel in alio loco, vbi de trium-
 phis Sanctorum agit, qui suis certa-
 minibus Gallias exornarunt, nihil de
 Lazari Episcopatu & martyrio, nihil
 de Lazari, magdalenæ & marthæ ad
 massiliensem portum accessu, nihil de
 enauigatis Syrtibus, nihil de tam stu-
 penda nauigatione cecinerit Flodoar-
 dus, cum vel sola hæc aptissima scri-
 bendis versibus materies videatur.
 Quin potius Lazarum, magdalenam &
 Martham vnius Palæstinæ Sanctorum
 numero adscripserit, cum saltem vtri-
 que genti adscribere debuisset. Fallor
 ego, neque istud de Flodoardo scisci-
 tari fas est. Non enim fieri potuit, vt
 qui veros Sanctorum Triumphos can-
 ret, adulterinos peruersa religione
 fingeret, aut excogitaret? Ceterum
 secundum ista, quæ hoc & superiori ca-
 pite plana fecimus, quò se vertet homo
 in omnes Recentiorū initiatus fabulas,

qui simulatque quosdam recentissimos, etiam viuos aduersus primam receptamque per tot annos traditionem scriptores laudauit, cum Beato Augustino exclamat eum non esse sapientem, qui negat, quod vniuersa credidit antiquitas. Stultus ergo sit ille, immo & stultissimus, qui de Lazaro, magdalena, & Martha negat, quod vniuersa credidit antiquitas. Haftenus de Latina & Occidentali traditione in qua talis est omnium consensus, vt nihil extet prorsus, quod in praestituto disputationi termino nobis opponatur.

C A P. III.

Propositum Lemma quibusdam rationibus ex Historia Ecclesiae quaesitis probatur.

QVanquam nullis opus est rationum momentis, dum res, quæ facti est, & in facto versatur, euidentibus atque idoneis plurimorum auctorum testimoniis conuincitur, mantissæ tamen loco nonnullas subdemus ex Ecclesiae Historia

ria

fiæ rationes, quæ prætermiſſis ex Oriente & Occidente ſcriptoribus, aſſertionem noſtram ſuaderent.

Prima ratio ducitur ex prima Eccleſiaſticorū Gallia Primatum contentione, quæ in Concilio Taurinenſi agitata eſt, Arcadio & Honorio Imperatoribus. Quicumque igitur accuratiùs apud ſe perpenderit, quanto fuerit incenſa ſtudio controuerſia, quæ inter 2. Narbonenſis Episcopos mota eſt de primatu Proculi Maſſilienſis Episcopī, qui ſeſe illius metropolitanum prouinciæ gerebat, vix illi dubium erit, quin ſi vera eſſet magdalenæ in hanc regionem appulſus hiſtoria, & Lazarus ille, de quo loquimur, Eccleſiæ maſſilienſis Sacerdotium adminiſtraſſet, id continuò in iuris ſui deſenſionē attuliſſet Proculus. Quid enim aliud efficacius adferre potuiſſet, aut validius? Supra pleraſque ciuitates vrbi non deerat maietas & ſplendor, cui & primus acceſſiſſet Lazarus Episcopos, & antequam Chriſtiana in alias vrbes penetraſſet religio. Quam quæſo (ſi Arelatenſium codici credimus) rationem retinendæ contra maſſilienſes

& Viennenses metropoleos adducebat Arelatensis Episcopus, nisi quia primùm Arelate Trophimus ex Romana Sede destinatus fuerat Episcopus? En præsidium vnicum Arelatensis Episcopi: At Trophimus siue is fuerit, qui non primùm à Gregorio Turonensi, vt quidam mentiuntur, sed à vetustiore Passionis sancti Saturnini scriptore dicitur in Gallias missus sub Decio, siue fuerit, Apostolorum discipulus (quod tanquam verum disputandi causa nunc suppono) neutiquam cum Lazaro comparandus est. Etenim si spectes hominem, nonne Lazarum Christus à mortuis excitauit quarto post obitum die? Nonne Christus apud illum sæpissimè diuersatus est? Nonne Christus cum illo familiariter conuixit? Si vero Euangelicæ prædicationis & ad Prouinciam accessus tempora consideres, nonne Lazarus Trophimum, quicumque tandem iste fuerit, pluribus annis anteuertit: Immo sic anteuertit, vt ex Massiliensibus primos Euangelii satores longè ante Trophimum habere potuerint Arelatenses? Vide nunc ac circumspecte, qui-

bus & quantis prærogatiuis tueri se poterat Proculus. Egone verò existimem Proculū, cui multa ceteroqui concilium Taurinense tribuit, clerum, ordinē, plebem Massiliensem tam imbecilli fuisse iudiciij, tam exiguæ prudentiæ, & scientiæ, vt cum de priuilegijs Ecclesiæ suæ, de vera multorum Episcoporum ordinatione, de iure Primatus ageretur, id aut vltro tacuissent, aut turpiter ignorassent, à quo certa propemodum victoriæ causa penderet. Tacuerunt igitur, quod cum veritate dici, & ignorarunt, quod sciri non potuit. Quis enim, quod nihil est, vnquam sciret, aut tandem aliquando scire posset?

Secunda ratio ex aliis in Prouincijs rebus gestis depromitur. Si Lazarus, qui tam frequenti hospitio Seruatorem excepit, primus fuit Massiliensium Episcopus, si Magdalena & Martha tot virtutes & miracula in hac Galliarum regione patrarunt, quot referunt Vincentius Belouacensis, Iacobus Genuensis, Petrus Venetus, & alij id genus commanipulones, si denique vt rem à principio arcessamus, illi omnes in nauem velis ac

remis carentem à Iudæis coniecti, vaf-
 rissimoque mari certum ad naufragium
 expositi, saluis tamen omnibus, in Mas-
 siliæ portum appulerunt, ac deinde E-
 uangelium prædicarunt, & populos ad
 Christi fidem conuerterunt; Quî per
 Deum immortalem fieri potuit, vt pri-
 mos gentis suæ Apostolos, & tales A-
 postolos ignorassent, aut cognitos nul-
 lo vnquam præconio extulissent Cas-
 sianus tot piorum operum scriptor, Sal-
 uianus in tot de Prouidentia Dei, & de
 Ecclesia libris, Victor Massiliensis rhe-
 thor in carminibus & epistolis, Eu-
 cherius Lugdunensis, Cæsarius Arela-
 tensis multarum de sanctis Homiliarum
 editores, alique tractatores, nec pau-
 ci Ecclesiarum magistri, qui de illa, vt
 loquitur Sidonius, *palæstra congregationis*
eremitidis, ac de senatu Lirinensium Cellula-
rum prodierunt? Quæ profectò res cum
 Cassiano, Saluiano, Victori, Eucherio,
 Cæsario & aliis nunquam excidisset,
 Magdalenæ, Lazari, & aliorum è Iudæa
 in Massiliæ portum enauigationem nun-
 quam contigisse colligendum est.

Tertia ex Gregorio Turonensi, Adone

Viennensi , & Freculpho Lexouienſi comparatur. Gregorius hiftoriarum libro 1. Cap. 26. 27. 28. 29. 30. 31. 32. & 35. ex replicatis veterum annalibus Chriftianæ Religionis initia perſequitur in Galliis, primos fidei ſatores, propagatores, cuſtodes, qui tunc vbique gallicarû Prouinciarum noti colerentur ex aucttoritate Paſſionû, & vitæ merito, exponit. In libris de miraculis Sanctorum, de gloria Martyrum & Confeſſorum varia ex omnibus Chriftiani orbis partibus miracula , agones , victorias, Triumphos recenset, de Victore Maſſilienſi , de Metria Aquenſi , de Ge-neſio Arelatenſi , déque aliis ſanctiſſimis Prouinciæ hominibus gnauiter abundèque ſcribit , & altiſſimum tamen de Lazaro Maſſilienſi , de Magdalenâ , de Maximino Aquenſi , de Martha ſilentium. Nondum profeſſo natus erat , qui nauem & onus eius fabricaretur. Quid enim ? Chriftiani Aquenſes illuſtrium hominum Maximini & Magdaleneſe geſta neglexiſſent, qui beati Metriæ aliâs conditione ſerui hiftoriam tam diligenter ſcripſerunt apud

Gregorium lib. de gloria Confessorum
 Cap. 71? Cur Franco Aquensium Episcopus
 ut Metriæ, ita & Maximini ac
 Magdalenæ virtutibus & reliquiis Ec-
 clesiæ suæ hæreditatem tutatus non est
 coram Sigeberto Rege? Cur postea, cum
 voti compos haud factus est, ut Me-
 triam, sic & Maximinum & Magdalenam
 in ultionem iniuriæ non aduocauit?
 In summa Franco Metriam aduocauit,
 cuius & reliquias & sepulchrum habuit:
 maximinum & magdalenam non aduo-
 cavit, quorum nec reliquias nec sepul-
 chra habuit.

Adhæc Gregorius lib. 2. Cap. 27.
 29. & sequentibus res ab Clodouco tam
 impiè quam piè gestas memorat, &
 comparatum aduersus Burgundiæ Re-
 gem in Prouincia bellum describit,
 nec ullius meminit immunitatis, quam
 exædificato monialium à martha mona-
 sterio Clodoucum concessisse fabulan-
 tur in ea regione, quæ, ut ait idem Gre-
 gorius, ad Burgundiæ Regem tunc per-
 tinebat. Porro quæ de his & aliis simi-
 libus negotiis apud Gregorium non in-
 ueniuntur, contempsit ille potius, quam

non vidit. Gregorio succedunt Ado & Freculphus, qui in suis Chronicis cum primas Ecclesiarum (Galliæ origines identidem significarunt, de tota magdalenæ & marthæ historia, & navigatione ex veterum monumentis nihil quicquam adnotarunt. Abnutium quidem hoc argumentum nullius esse ponderis tibi facilè concedam, si quod Gregorius, Ado, & Freculphus tacuerunt, ab antiquioribus, æqualibus, vel supparibus dictum ostendas.

Quarta ex propagatæ Fidei Christianæ statu & conditione colligitur. Qui res Christianæ Fidei, ut par est, nouerunt, fieri vix potuisse arbitrabuntur, ut quo tēpore Claudius & Nero Romanum regabant Imperium, massiliensis, & Aquensis populus Christianam fidem, & religionem sine vlllo martyrio suscepisset. Aut sanè adferant nobis aliquam Latini orbis partem, quæ æquè ac Provincia Romanis vicina fuerit, in qua tūc sine vlllo martyrio sic suscepta sit Christi Religio? Executiant verò veteres Ecclesiarum tabulas, martyrologia, Cælendaria, & tunc massiliæ vel vnum mar-

tyrem designent ante Victorem, qui sub Diocletiano passus est. Quare insciam miror & stuporem eorum, qui acta magdalensæ & marthæ cum fingerent, aliquos in iis martyres ex tanta Christianorum copia non fecerint, quantam tunc fuisse volunt.

Quinta sumitur ex Odone Cluniacensi, qui ad annum 930. vixit. Poetarum & tractatorum nemo nescit, quin quæ de magdalensæ à Iudæa in Provinciam appulsu, & de naue, qua ferebatur, velis ac remis carente, de secessu in eremum, de peracta in prærupto monte pœnitentia, de admirabili morte, & sepultura in illius gestis dicuntur, amplissimum scribendi sit stricta, vel soluta oratione argumentum. Itaque cum Odo in sermone, quam de magdalena habuit, & in Hymno, quem de eadem confecit, & quem Romani censores sub Clemente octauo reformarunt, nihil de tot tantisque rebus significet, hæc omnia ad hoc usque tempus ignota fuisse, non immeritò quis conijciet. Aderint forsan, qui quicquid fieri more Scholæ non repugnat,

id

id statim posthabitis rerum, personarum, locorum, temporum circumstantiis factum fuisse diuinabunt; vel qui ex suorum communium locorum penu proferent, multa posterioribus seculis aperiri, quæ prioribus fuerunt occulta: Quid tum verò? Quisquis ille fuerit, qui sic sibi in rebus historicis differendum putat, meminerit quæso illius regulæ, quam in discernendis historiæ rebus Baronius præfixit Annali primo Cap. 12. *Quod à recentiore Auctore de rebus adeo antiquis sine alicuius vetustioris auctoritate profertur, contemnitur.* Ad hanc regulam tanquam ad certum pugnæ scamma decertandum est, & qui pedem extrà mouerit, fugæ reus, & asserendæ falsitatis auctor habeatur necesse est.

CAP. IV.

Necessariæ quedam in priorem Dissertationis partem observationes.

O Peræpretium est modo, vt ex iis, quæ in priori Dissertationis

D

parte paulò explicatiùs differuimus, nonnulla strictim obseruemus, vt adsit in promptu, vnde præcipua quæque totius rei momenta statim in conspectum veniant, & nouæ Recentiorum cogitationes repellantur.

Prima obseruatio: Ex prima cōstantique per annos mille traditione habetur, Lazarū, quem Dominus à mortuis excitarat, & Magdalenam in Oriēte obiisse. Quare qui nuper ex Gallicana traditione contrarium scripserunt, aut veram traditionis notionem ignorant, aut alios ignorare putant: In vno cum Gallicanæ Ecclesiæ falsum affingant, iniuriam non mediocrem illi faciunt, & suis insuper scriptis fidem & auctoritatem detrahunt: In altero de aliorum eruditione sine iusta causa paulò abiectiùs opinantur. Vt interim omittam Sigebertum, Martinum Polonum, Romanum Martyrologium, quibus quod volunt, audacter imponunt.

Altera: Qui Lazarum in Oriente defunctum, & eius reliquias ab vna vrbe in aliam translatas, & templa eidem erecta historiæ commendarunt, nullius il-

• lum seu in Gallia , seu in Insula Cypro Ecclesiæ præfulem fecerunt. Ergo qui postea Episcopum fecerunt , & Martyrem, ex suo, non ex commentariis veterum fecerunt, sine quibus hac in parte sapere, historici sapientis non est, nec Christiani scriptoris, qui supra ceteros mortales à mendacio abhorrere debet.

Tertia : Nostra de rebus istis traditio usque adeo constans est & vera, ut ex Auctoribus Græcis vel Latinis, qui in prima Dissertationis Epocha vixerint, nihil penitus obici queat. Itaque Martyrologus Gallicanus liberandæ fidei voto adæque solutus est , quo Apodicticos pro Lazaro & Magdalena Massiliæ, pro Maximino Aquarum Sextiarum, & pro Martha Tarasci Commentarios pollicitus est. Quod enim polliceretur, an effici liberum esset, tunc non satis cogitatè perpendit.

Quarta : Martha perinde ac Magdalena excessit in Oriente, tametsi extra Martyrologia, Marthæ in hac mundi parte excessus, non tam disertis veterum testimonijs confirmetur. Sed hoc nihil, aut parum refert. Etenim qui

mortuam in Gallia Narbonensi Martham memoriæ produnt, non alia id probant ratione, quàm quod Martha & Magdalena vnam & eandem conscenderint nauem, atque inde in Massiliæ portum ambæ penetrarint. At cum istud in Magdalena fabulosum sit, in Martha verum esse non potest. Enimvero quæ de Lazaro, Maximino, Magdalena & Martha, deque eorum è Iudæa in Prouinciâ enauigatione circumferuntur, sic à suis auctoribus eadem narratione connectuntur inter se, vt vno labefactato cetera propemodum omnia concidant, oportet.

Quinta. Adiuncta veterum monumentis Martyrologia nostram licet idoneè probent assertionem, si quæ ad Martham spectant, consideres, illa tamen eo potissimum fine retulimus, vt quæ in posteriori Dissertationis parte Recentiorum Martyrologijs succreuisse deprehenduntur, ea tanquam noua, & ab antiquiori traditione dissona faciliùs expungantur, & in tenebras ignorantiae, vnde eruta sunt, retrudantur.

Sexta. Nullum Græcorum Menolo-

gium, nullum Latinorum Martyrologium, nullus siue ex Oriente, siue ex Occidente scriptor, qui ad præstitutum tempus nostrum pertineat, de vilo meminit Maximino, qui ex Christi discipulo factus fuerit primus Aqueusium Antistes. Qua etiam de re nulla nobis potest esse cum quoquam disceptatio. Qui enim Maximinum Magdalenæ ducem, seu comitem Aqueusium episcopum fuisse volunt, non ex alijs id conficiunt auctoribus, nisi qui quingentis abhinc circiter annis vixerint, & otiosorum hominum somnia in suos commentarios redegerint: quod alibi commodius expendetur.

Septima: Volaticis responsionibus, & communibus locis, quibus vt albo lapide, albâ-ve lineâ eludi solent auctores, & deductæ ex ijs rationum complexiones, interclusa via est, certandî definitum stadium, & suum insuper abnutiuis in re historica momentis assertum robur, quæ ex multiplici ad Ecclesiasticam historiam animaduersione deduximus.

Octaua: Hanc priorem Dissertatio-
D iij

nis partem ad principes, quæ in præfa-
 tiuncula statutæ sunt, inueniendi, asse-
 rendique veri regulas sic exegimus, ut
 cum Tertulliano nunc dicere iure possi-
 mus contra Recentiores fabularum Fau-
 tores : *Posterior nostra res non est, immò om-
 nibus prior est. Hoc erit testimonium verita-
 tis, ubique occupantis principatum; ab Apo-
 stolis utique (dicamus ab auctoribus in
 primam traditionem institutis) non dam-
 natur, immò defenditur, hoc erit indicium
 proprietatis.*

DISSERTATIONIS
PARS POSTERIOR
DC. ANN. RATIONARIUM
COMPLECTENS.

Vetus Martyrologiorum traditio conseruatur, & à nouitijs traditionibus defenditur. De Maximino quid certi sit, disseritur. Lazari in Cypro, & in Gallia episcopatus, & martyrium discutitur. Fabularum monstra de Magdalena & Martha prodeunt in lucem, & extinguuntur. Exorta Vizeliaci Monachos inter, & Aquenses, ac Prædicatores sancti Maximini refertur controuersa dirimitur. Reiectis vbique figmentis pristina constabillitur traditio, & veritas.

C A P. I.

Vetus Martyrologiorum de Lazaro, Magdalena, & Martha retinetur, & asseritur traditio.



V A M hoc in capite dissertationem instituimus, ad Latinos spectat; non ad grecos, quorum nemo, quod sciamus, à maiorum suorum traditio-

E

ne deflexit. Deinde licet post Zonāram, Cedrenum, & Curopalatam, qui ad vndecimum sæculum reliquias Lazari, & Magdalena à Leone Sexto Constantinopolim translatas scripserunt, aliquis alius ab illis, vel etiam antiquioribus defecisset ad recentiores Latinos, id sibi potius incommo- daret, quam assertæ iam veritati. Etenim qui suam opinionem munit ratio- bus, quæ palam sunt inualidæ, profe- ctò seipsum prodit hallucinatum fuisse, atque, vt ita opinaretur, fallacibus momentis inductum.

Itaque Græcorum fidem conclu- dant Menæa magna, quæ anno 1627. Græcè tantum Venetijs prodierunt: Ex mense Octobri. τῇ ἡμέρᾳ ΙΖ. ἡ ἀνακομι- δὴ τοῦ πμίου λειψάνου τοῦ ἁγίου καὶ διχαίου Λαζάρου. Ο μακάριος καὶ αἰόδιμος καὶ ὁ βασιλεῦσι πιστότατος Λέων, ζήλω θάω κι- νηθεὶς, ὥσπερ ἔκπνος ἐπιπνίας, πρῶτ' ἤ- ναὸν δεινόμενος χέλιον Διχαίᾳ, καὶ μετὰ ταῦτα ἀποστείλας ὁ τῇ ἡσῶ Κυπρου, εὔρε- τὸ ἅγιον ἐκείνου λείψανον ὃν τῇ Κυπραίῳ πω- λει, ὑπὸ γῆν κείμενον, χιλιοστὴ τάχα πα- ρωχικότος χρόνου, ὃν μαρμαρινῶ λάρνακι,

ἐν ᾗ ἐγκόλασθ' ἡμίματα ἑτερόχ' ὄντα.
 Λάζαρος ὁ τετραήμερος, καὶ φίλος χειρῶν,
 αὐτίχα ὄν' ἀράμενος ἢ τίμιον θήσαυρον,
 καὶ ἀργυρᾷ σορῶ ἐνθέμενος, ἐν Κωνσταντινο-
 πόλει ἀπέθετο. *Die 17. Translatio pretiosa-
 rum reliquiarum sancti & iusti Lazari. Fe-
 lix & celeberrimus, ac Regum fidelissimus Leo
 diuino motus zelo, & quasi quodam percussus
 afflatu primum quidem templum Iusto aedifica-
 uit; Deinde facta in Insulam Cyprum ex-
 peditione, inuenit sanctum illius corpus in ur-
 be Cytienfi, mille abhinc annis sub terra con-
 ditum in marmorea capsula, ubi alterius lin-
 guæ literis incisum erat: Lazarus quatrigena-
 nus, & amicus Christi. Statim sublatum indo
 magni pretij thesaurum, & argenteis loculis
 impositum Constantinopoli reposuit. Ex
 mense Iulio: τῇ ἡμέρᾳ κβ. Τῆς ἁγίας μυ-
 ροφοροῦ, καὶ ἰσαποστόλου Μαρίας ἡ Μα-
 γδαλήνης. Κάτω, Μετὰ τὴν ἁγίαν ἀνάληψιν
 γενομένη εἰς Εφεσον πρὸς τὸ Ἰωάννην τὸν Θεο-
 λόγον, καὶ Απόστολον ἐκεῖ ὁσίως κεκοίμηται, καὶ
 ἐτέθη πρὸς τῇ εἰσόδῳ σπηλαίου, ἐν ᾗ
 ἅγιοι καὶ μακάριοι ἐπ' αὐτὴν κεκοίμηνται παῖδες.
 Ὑπερον δὲ ὅτι Λέοντος τὸ ἐν μαχερίᾳ τῇ
 λήξει γενομένου βασιλείᾳς ἡμῶν τὸ ταύτης
 ἀναχομισθὲν λείψανον ἐν τῇ ὑπ' αὐτοῦ αὐτο-
 Ε ij*

τάση* μὴ τοῦ ἁγίου Λαζάρου κατετέθη,
ὅτι ἢ ἐπισίως καὶ ἢ σύναξις αὐτῆς τελεῖται.

Die 22. sanctæ unguentiferae & æqualis Apostolorum Mariæ Magdalena. Infra. Post sanctam Assumptionem dum Epbesi versaretur, cum Sancto Ioanne Theologo, & Apostolo ibi sanctè mortua est, & apposta in ingressu spelæi, in quo sancti & beati septem pueri quiescunt. Postea verò cum Leo in Oriente feliciter imperaret, translatum illius corpus Lazaro adiunxit & in eodem templo collocavit, ubi & singulis annis festiuitas illius celebratur.

Haecenus ex Menæis, in quibus nisi translationis tempus ab aliqua periodo, quæ Christum antecedit, numeretur, accurata licet non reperiatur annorum ratio, in ceteris tamen, quæ præcipua sunt, cum veteri traditione penitus consentit. Nunc verò qua fuligine dealbaturi sunt ista, qui mortuos nudius tertius homines, Diagum, Seuertium, immo & viuos, & Cathedra-rios Prouinciæ declamatores obiciunt? Et post tam excellentem disputandi rationem, Sulpitij de primis galliæ martyribus testimonium reiciunt,

quia scripsit, quæ non accepit, quæ non vidit, Aurelio, scilicet Imperatore ducentis annis posterior. Apage mihi qui ceteris tractandi leges imponunt, quas non sequuntur.

Hic videant, si quid tamē videre possint, Ephesinum magdalene specum, quena non ita pridem conuerterunt in illud saxosi montis antrum, quod ab hominibus minimè malis ostenditur in Provincia: Non ita pridem conuerterunt inquam, cum beati Ludouici tempore res adhuc erat sub fama: *Rex*, ait Ionuilleus. cap. 80. *Chronici*, *visitatum ijt locum nomine Baumam, vbi (vt dicebatur) tanquam in eremo multos annos traduxerat Magdalena: sed hac de re aliàs,*

Quod autem pertinet ad Latinos, in quorum ecclesijs vetus traditio custodita est, infinitum esset, si vellemus ire per singulas. Illustriores attingemus, nec illustrius erit testimonium, quàm ex martyrologijs depromptum.

Primum Martyrologium sit illud manuscriptum, quod ante aliquot annos in Bibliotheca Vaticana legimus: II. Calend. Augusti: *Natiuitas sanctæ Mariæ Magda-*

*lenæ, de qua, ut Euangelium refert, septem
dæmonia Dominus eiecit, quæ etiam inter
alia dona insignia Christum à mortuis resu-
gentem prima videre meruit. 16. Calend.
Nouembris. Marthæ Sororis Lazari. 16.
Calend. Ianuarij. Natiuitas beati Lazari,
quem Dominus resuscitauit à mortuis, item
beata Marthæ sororis eius, quorum vene-
rabilem memoriam extructa Ecclesia non lon-
gè a Bethania, ubi è vicino domus eorum
fuit, conseruat. Cur in hoc Martyrologio
duo diuersi dies Marthæ consecrentur,
mihi adhuc inexploratum est.*

*Secundum sancti Stephani Autisiodo-
rensis Martyrologium manuscriptum,
quod extat Lutetiæ in Bibliotheca
Thuana: 11. Calend. Augusti: Natalis
sanctæ Mariæ Magdalene, de qua, ut
Euangelium refert, septem dæmonia Do-
minus eiecit, 16. Calend. Ianuarij: Item
eodem die beati Lazari quem Dominus Ie-
sus in Euangelio legitur resuscitasse à mortuis,
Item beata Marthæ sororis eius.*

*Tertium Martyrologium manuscrip-
tum, cuius fragmentum videre est
Rotomagi in Bibliotheca v. cl. Ioannis
Bigotij Curiae Subsidiorum decani: 14.*

Calend. Februarij : *Hierosolymis Mariæ & Marthæ sororum Lazari*. Ecce tibi locus , vbi ex vsu Martyrologiorum mortem oppetiit Martha.

Quartum Martyrologium , quod exaratum est anno 1254. in Breuiario Ordinis Fratrum Prædicatorum , & extat Lutetię in eorundem Bibliotheca: II. Calend. Augusti : *codem die sanctæ Mariæ Magdalenæ*. 16. Calend. Ianuarii : *codem die beati Lazari , quem Dominus Iesus in Euangelio legitur resuscitasse à mortuis*. Item *beatæ Marthæ sororis eius , quorum venerabilem memoriam extructa Ecclesia non longè à Bethania , vbi è vicino domus eorum fuit , conseruat*.

Quintum Martyrologium manuscriptum Ecclesię Parisiensis , sancti Victoris , sancti Martinj de Campis , & sancti Sepulchri in ciuitate Parisiensis : II. Calend. Augusti : *eodem die sanctæ Mariæ Magdalenæ* : 16. Calend. Ianuarij : *eodem die beati Lazari , quem Dominus Iesus in Euangelio legitur resuscitasse à mortuis*. Item *beatæ Marthæ sororis eius , quorum venerabilem memoriam extructa Ecclesia non longè à Bethania , vbi è vicino do-*

mus eorum fuit, conseruat. Idem proflus habetur in Martyrologio, quod ad Parisiensis Diocesis vsum edidit anno 1490. Ioannes Muheratus Theologus Parisiensis.

Sextum Martyrologium manuscriptum S. Stephani Trecentis. 17. Decemb. *Natalis sancti Lazari, quem Dominus Iesus Euangelio legitur resuscitasse à mortuis. Item natalis Sanctæ Marthæ sororis.*

Septimum Martyrologium manuscriptum. Ecclesiæ Ambianensis & sancti Martinj Turonensis: 11. Calend. Augusti: *eodem die sanctæ Mariæ Magdalene.* 16. Calend. Ianuarij: *eodem die beati Lazari, quem Dominus Iesus in Euangelio legitur resuscitasse à mortuis. Item beatæ Marthæ sororis eius; quorum venerabilem memoriam, &c. vt supra.* Hæc pauca de multis Martyrologiis, quæ hac in re paria videri possunt.

Octauum Martyrologium illud sit; quod ad vsum Ecclesiæ Romanæ Patavii edidit ante annum 1500. mellinus Eremitarum sancti Augustini Theologus: 11. Calend. Augusti: *Natale sanctæ Mariæ Magdalene, de qua septem demonia*

monia Dominus elecit, & quæ ipsum Saluatorem primum videre meruit à mortuis resurgentem. 4. Calend. Augusti: eodem die festum sanctæ Marthæ Virginis sororis sanctæ Mariæ Magdalenæ, & sancti Lazari, hospite Saluatoris nostri Iesu Christi. 16. Calend. Ianuarij: eodem die beati Lazari, quem Dominus in Evangelio legitur suscitasse à mortuis. Adhæc idem vel aliud exemplar ad morem Ecclesiæ Romanæ ann. 1522. & 1548. Venetijs prodijt, in quo hæc omnia ad verbum retinentur.

Denique Ioannes Stoffeler Tubingensis Mathematicus in Calendario, quod edidit anno 1518. & Romanum vocavit, Marthæ tribuit diem 17. Octobris: *Marthæ Hospitæ Christi*:

Videamus modò, qui novitias traditiones efflictim depereunt, Latinæ Ecclesiæ Martyrologia quam magni æstiment? Hæc omnia, inquiunt, & quæ in priori Dissertationis parte attulimus martyrologia, sunt ferè vnus loco, at vnus vocem, nullius esse vocem quis nescit? Argutè prorsus. Ruat igitur omnis prisca & vera traditio necesse est, ex quo vel unicâ inconcussam sta-

re machinâ & fulcimento hætenus creditum est. Qui Petrum Romæ mortuum singulis ætatibus & diuersis locis tradiderunt, id vnum tradiderunt post primum idoneum testem, qui hoc ipsum posteritati certò commendauit. Sed cominus accedo: Qua ratione Martyrologium, quod Vsuardus ex alijs Superiorum Patrum, vt loquitur, Martyrologijs aliquid demendo, vel addendo collegit, suum tunc ille fecit, & fecisse censetur: eâdem proculdubio & Romana, & Parisiensis, & quæuis priuata Ecclesia suum quoque fecit, & fecisse censenda est Martyrologium, quod aut solo suo vsu probauit, aut quod adiiciendo nonnihil, vel immutando, vel detrahendo ad proprium morem redegit. Itaque sicut cum Vsuardi Martyrologium & dicimus & laudamus, de alijs Martyrologijs, quæ secutus est Vsuardus, non cogitamus, sic cum Romanæ, Parisiensis, vel alterius Ecclesiæ martyrologium dicimus & citamus, nihil est, cur ea Martyrologia, quibuscum alioqui conuenit, nominatim intelligamus. Cum igitur

diuersarum Ecclesiarum Martyrologia in eadem re inter se, & cum eo, quod ab initio traditum est, consentiunt, vt modo consentire volumus, nullus opinor inficias ibit, quin eruta ex illis ratio inuictum robur habeat, & firmamentum.

Hæc cum ita sint, tria nunc occurrunt, quæ non sine causa obseruemus: Vnum, quod nostra Martyrologia veterem traditionem aptissimè retineant, & cum in Magdalena & Lazaro locum mortis non significant, nullo negotio flectuntur eam in partem, quæ a Modesto, Gregorio, & aliis speciatim expressa est. Alterum, quod dies Mart hæ non perinde status sit, atque Magdalene. In paucis ijsque recenter editis notatur 29. Iulij, in quibusdam 17. Octobris. in multis 19. Ianuarij & 17. Decembris. Sed cum hoc discrimine, quod 19. Ianuarij ex consuetudine martyrologiorum locus mortis designetur, non item 17. Decembris. Hæc dierum varietas in diuersis Ecclesijs solam, ni fallor, recitandi Officij respicit opportunitatem, non diem obitus, aut locum

qui, vt vidimus, Hierosolymis perspicuè definitur. Quæ eâ de re tacent martyrologia ad illa, quæ loquuntur, reuocanda sunt, & ex illorum ore mutis vox inspiranda est. Tertium, quod in illis omnibus, quæ recensuimus, Martyrologijs, nullus vsquam compareat Maximinus, qui primus Aquensium antistes dicatur: quo autem tempore cœpit in Romano comparere postea dicemus.

C A P. II.

*Additionibus ad Romanam, & alia quædam
Martyrologia, sensum & priscam tra-
ditiõnem mutantibus certum tempus
assignatur*

E Tribus, quæ in hac posteriori Dissertationis parte de Maximino considerata sunt, vnum ad finem superioris capituli iam obseruauimus. Reliquum est modo, vt de aliis duobus differamus. Ad primum quod attinet, certum est, ante annum 1576. omni

retrò memoria in Romanis Martyrologiis incognitum fuisse Maximinum, qui in subdititiis Magdalene & Marthæ gestis Aquesium Episcopus appellatur. Sed hocce anno iam tùm primum Martyrologium illud Romanum, quod Gallesinius edidit, Maximinus occupauit ad 10. Iunij: *in urbe Aquesi sancti Maximini Episcopi, qui fuit unus ex 72. Discipulis.* Secundum autem summa obseruatione dignum istud est, quod in Aquesis Ecclesiæ Litaniis, quæ in libro eiusdem Ordinario editæ sunt Aquis anno 1577. nullus omninò legatur maximinus. An verò temerè factum, vt his in precibus Dionysius Parisiensis cum sociis, & Victor Massiliensis cum sociis inuocarentur, non Maximinus, si olim creditus fuisset Aquesis Ecclesiæ Episcopus, iudicent viri egregiè cordati. Quis enim Ecclesiam vidit vllam, quæ primum Episcopum, si pro sancto habeatur, non inuocarit in Litaniis suis? Cur autem id ita contigerit in Ecclesia Aquesi, ratio in promptu, eaque meo quidem iudicio certa est: Aquesium Litania-

rum ordo ille antè compositus primùm, deinde prælo mandatus est, quàm vilius nasceretur interpolator erroris.

Cum igitur Galestinus maximum inseruit martyrologio, non id quidem addidit, quod veterem Martyrologiorum traditionem, & sensum propriè mutaret, sed quod veterum Martyrologiorum, & propagatæ ab initio per annos mille traditionis præsidio destitueretur. In omnibus istis historicè loquimur.

Ad diem 17. Decembris hæc duo in Lazaro adiunxit Martyrologio, quæ cum explorata iam traditione non consentiunt, Episcopatum, & locum Episcopatus: *Massiliæ*, inquit, *in Galliis sancti Lazari Episcopi huius Ecclesiæ*. Qui anno 1548. Massiliensis Episcopus nondum erat in Romano Martyrologio, post annos 20. factus est in eodem per Galestinum Massiliensis Episcopus.

Quæ ad Magdalenam & Martham spectant, ea prout edita fuerant in præcedenti editione sic reliquit immutata: 22. Iulij: *Natale sanctæ Mariæ Magdalene de qua Dominus septem daemonia eie-*

cit, &c. vt supra. 29. Iulij: *Sanctæ Marthæ Virginis sororis sanctæ Mariæ Magdalene* &c. vt supra. Hæc de Romano Martyrologio Galefinii: Nunc ad illud, quod Baronius commentariis illustrauit, veniamus. In eo sic se res habet.

8. Iunij: *Aquis in Gallia sancti Maximi primi eiusdem ciuitatis Episcopi*, quem Domini discipulum fuisse tradunt. 22. Iulij: *Apud Massiliam natalis sanctæ Mariæ Magdalene*, de qua Dominus septem demonia eiecit, &c. vt supra: 29. Iulij *Tarasci in Gallia Narbonensi sanctæ Marthæ Virginis*, &c. vt supra. 17. Decembris: *Massiliæ in Gallia Beati Lazari Episcopi*, quem Dominus in Euangelio suscitasse à mortuis legitur. Hocce martyrologium, & illud, quod emisit Galefinius anno 1576. in duobus dissident inter se, primum, quia in priori Romano Magdalena & Martha nondum habent sedem in Gallia; in posteriori verò habent Magdalena massiliæ, martha Tarasci: Deinde quia in posteriori an Maximinus Christi fuerit discipulus, in dubium vertitur, quod in priori habetur exploratum. Nunc ex hac sola discrepantia manife-

stum est errare eos oportere, qui ab antiquis & primis traditionibus recedunt. Neque verò ut ista Baronius confirmet in notis, ea producit, quæ quingentos annos superent. Quod autem ad 17. Decembris pro Lazaro massiliæ Episcopo laudet Bedam, Vsuarium & Adonem, pace tanti viri dixerim, Massiliensis Episcopatus Lazari tam apud illos tres Martyrologos reperitur, quam apud Virgilium. Reliqua, quæ citat Baronius proximis capitibus ex sola recensione subruentur. Sed in antecessum de sua regula monitum velim Baronium: *Quod à recentiore auctore de rebus adeò antiquis sine alicuius vetustioris auctoritate profertur, contemnitur.* At quæ Baronius omnia significat in notis, non solum à recentioribus auctoribus sine alicuius vetustioris auctoritate proferruntur, sed contra exploratam inter Græcos & Latinos traditionem proferruntur.

Tertium martyrologium, quod aduersam historiæ, & veræ traditioni additionem recepit, Franciscanus quidam edidit, & recognouit Rotomagi
anno

anno 1507. vbi sic legitur ii. Calend.
 Augusti : *Conuersio sanctæ Mariæ Mag-*
dalenæ beatorum Lazari & Marthæ sor-
ris. De qua &c. vt supra. At enim corre-
 ctor iste natalem Magdalenę in conuer-
 sionem mutat, & Magdalená peccatricē
 facit, contra quam cetera Martyrolo-
 gia fecerant. 4. Calend. Augusti : *Tran-*
situs beatissimæ Marthæ Virginis sororis La-
zari, & Mariæ Christi & Apostolorum eius
hospitæ, in cuius funeribus legitur Dominus
Deus noster Iesus Christus cum beato Fron-
tone Petragoricensi Episcopo adfuisse, &
eius exequias celebrasse. Hæc bonus ille vir
 Martyrologio addidit ex furtiuis Mag-
 dalenæ & Marthæ gestis; quæ refert
 Vincentius, & quæ laudat Baronius.
 16. Calend. Ianuarij *eodem die beati La-*
zari, quem Dominus Iesus in Euangelio le-
gitur suscitasse à mortuis. Item beatæ Mar-
thæ sororis eius; quorum venerabilem memo-
riam extructa Ecclesia non longè à Bethania;
vbi è vicino domus eorum fuit, conseruat. Hic
 vt apparet priscam incautus retinet tra-
 ditionem, quę cum superioribus addita-
 mentis nihil, aut parum concordat. De
 Maximino ne vllum quidem verbum,

Quartum martyrologium, quod anno
 1568. edidit Maurolycus messanensis ab-
 bas, has omnes admisit, auxitq; noui-
 tates: 10. Iunij: *Massilia in Gallia Ma-*
ximini Aquensis Episcopi, qui cum Maria
Magdalena, Lazaro, Martha & Cheli-
donio illuc Deo duce appulerunt, & iuxta
corpus Mariæ sepultus est, ubi etiam postea
Marcella & Chelidonij corpora inuenta sunt,
& honestius tumulata. 22. Iulij: *Natalis bea-*
tæ Mariæ Magdalene, de qua &c. vt su-
pra. 29. Iulij: *Festum sanctæ Marthæ Vir-*
ginis sororis sanctæ Mariæ Magdalene &
sancti Lazari, Hospitæ Saluatoris, quæ
iuxta Rhodanum & Auenionem urbem obiit.
Marcellæ vero Marthæ pedissequæ, quæ
decem annis superuixit, & in Illyria prædi-
cavit. 17. decembris. *Massiliæ beati La-*
zari, quem Dominus suscitauit à mortuis.
Item Marthæ sororis eius: Hic quid aliud
à Siculo præter ficulas getras expecta-
retur? Porro hæc omnia à Vincentio,
Iacobo & Petro deprompta sunt. Quod
marcellam in Illyrico Euangelium præ-
dicasse probet, ex hoc vno quantum
fit Maurolyci iudicium, & quanta in
Ecclesiæ disciplina eruditio, consideres

velim: Et licet in Illyrico per tot annos Euangelium prædicauerit Marcella, & vitam beatæ Marthæ ingenti volumine Hebraico conscripserit, tanti tamen illa non fuit Galesinio & Baronio, vt locum in Romano Martyrologio consequeretur.

Quintum ultro se obiicit Martyrologium Gallicanum, quod Maurolyci vestigia studiosissimè relegit, aliorumque nouitates multis partibus locupletauit: 8. Iunij: *Apud Aquas Sextias sub 2. Narbonensi sancti Maximini, qui comes sancti Lazari, ac beatæ Mariæ Magdalena hanc Ecclesiam sua prædicatione erexit.* 22. Iulij. *Transitus ad cælos gloriosus beatissimæ penitentis Mariæ Magdalena, &c. quæ ex Vincentio, Legendâ aureâ, & Petro Veneto cumulatissimè describit.* 29. Iulij: *Tarasci in Gallia Narbonensi sanctæ Marthæ Virginis, &c. quæ ex iisdem auctoribus repetit. Eodem die in Supplemento martyrologij: Aquis Sextiis sanctæ Marcellæ ancillæ beatæ Marthæ Virginis, quam è Palaestina in Gallias secuta tandem fideli obsequio iuuit, quousque illa beata Tarasci defuncta est. Tum enim cum for-*

te in patriam Marcella remearet, in Illyrico diuina vocatione anticipata felici efflatu spiritum remisit ad Dominum. At hinc eius corpus in Gallias relatum, Aquis Sextiis ponzanulum sancti Maximini, cuius discipula fuerat, omni cum honore collocatum, &c. Abundè fabularum audiuius. 1. Septembris: Massilie natalis sancti Lazari, &c. 17. Decembris: Triumphus sancti Lazari à Christo suscitati primi illius ciuitatis (Massilie) Episcopi & Martyris &c. quæ utrobique ex memoratis auctoribus arcessit, non æquè impolito sermone, sed non veriori sensu. In historia verò non orationis, sed veritatis cultus potissimum desideratur. Qui enim quod falsum est, artificio purioris latinitatis in verum mutatum iri spectaret, nã ille non è Iudæa Massiliam, vt Madalena cum sociis, sed Massiliã nauiget Anticyram necesse est. Tria sunt in hoc martyrologio, quibus Galesinii & Baronij Martyrologium excedit. Vnum est, quod rediuius Lazarus bis in Gallia, quam nunquam vidit, moriatur, semel ad primum septembris, iterum ad decimum septimum Decembris. Alterum, quod Lazarum

Martyrem faciat; an autem fuerat martyr, Galefinius & Baronius non affirmarunt, & Petrus venetus confessorum fecit. Tertium, quod marcellæ pedissequæ locum inter sanctos Galliæ concedat, quem illi in suis martyrologiis denegarunt; Auctorem inter ceteros commodè habet Maurolycum, quem Galefinius & Baronius tacitò receperunt.

CAP. III.

De Maximino nonnihil differitur: Multiplex de de sancto Lazaro figmentum sola recensione exploditur & inde pristina veritas confirmatur.

QVanto in errore versentur, & in quot auiâ falsitatis abducantur, quod dimissa pristinae veritatis luce scribunt, si quis superiori capite assecutus non sit, hoc & sequenti capite assequatur. Maximini antiquior est in Gallia, quam Lazari in subdititiis monumentis Episcopatus. Etenim in gestis marthæ & magdalene, quæ refert Vincentius, nec

Episcopatus, nec adeo nomen Lazari reperitur, at in iis maximinus Aquensium Episcopus est, cui beatus Petrus magdalenæ custodiam commisit. Post huius auctoris ætatem, Lazarus conscendit nauem magdalenæ, in Prouinciam appellit, & Massiliensium creatur Episcopus. *Tunc in Ciuitate Massiliae, inquit Iacobus in Legenda Aurca, omnia idolorum templa destruentes, Christi Ecclesias construxerunt, & beatum Lazarum in eadem ciuitate Episcopum unanimiter elegerunt.* Quæ omnia sibi post aliquot annos vindicauit Petrus in Catalogo sanctorum. Enimvero quæ ad Lazarum pertinent figmenta, paulò altius repetenda sunt.

Lazarus, quem vt in priori Dissertationis parte, & in primo secundæ partis capite vidimus, pro Episcopo & Martyre nullus habuit vnquam, quingentis plus minus abhinc annis primùm in Insula Cypro, deinde in Gallia Narbonensi Episcopus & martyr habitus est. Quod itaque de Lazaro prius fictum est, prius exequamur.

Honorius Augustodunensis Presbyter sermone in Ramis palmarum de E-

piscopatu Cypri rumore primus, aut saltem è primis scripto mandauit *Pharisei*, inquit, *decreuerunt, ut Lazarus interficeretur, sed Deo de illo melius disponente ad utilitatem Ecclesiæ reseruatur. Nam fertur, quod postmodum triginta annis in Cypro Ecclesiæ Episcopus præfuerit.* Affingendi Lazaro Episcopatum in Cypro facilis ex eo causa fuit, quod Lazari reliquiæ ex hac Infusa Constantinopolim translatae sint ab Leone qui Philosophi nomē obtinuit.

Verùm hoc loco figmentis alia figmenta reuincamus ex ætate & auctoritate Honorii, qui vt scribit Trithemius ad annum 1120. floruit. Martyrologium Gallicanum 26. Octobris die reliquias sancti Lazari Massilia translatas apud Æduos circa annum 957. tum alias ibidem 20. Octobris relevationem corporis sancti Lazari Episcopi, & martyris factam sub Ludouico 7. verbosius exhibet; quæ omnia breuiori quidem, sed non veriori oratione dixerat Robertus in Gallia Christiana. Componite quæso hæc, & videte modo, vtrum quæ retulimus ex Honorio, dixisset Honorius, si primùm quædam

in Gallicana Ecclesia obtinuisset opinio, Lazarum nostrum Massiliensem Ecclesiam rexisse? Si deinde Augustodunenses Lazari reliquias pridem habuissent ex hac Ecclesia, cuius fuisset olim Episcopus, & si suo tempore releuatae, ut loqui amant, fuissent? An non ex oblata occasione in Lazari laudes, & piam commemorationem excurrisset, cuius corpore Augustodunensis nobilitaretur Ecclesia? huius rei perspicuitas cum amplioribus verbis eleuaretur, narrationem persequimur.

Nondum erat ab Honorij ætate quinquagesimus annus, quo rumor increbuit, Lazari reliquias esse Augustoduni. Hoc ex Abbreviato quodam Chronico discimus, quod licet in Bibliotheca sancti Victoris inter opera Hugonis reperiatur, Hugonis tamen non est, nisi auctum dicatur, & auctarium dignoscatur. Desinit quippe in annum 1190. quem Hugo rebus humanis exemptus anno 1140. attingere non potuit: *Corpus, inquit, beati Lazari fratris earum (Marthæ & magdalenæ) fertur esse apud Augustodunum, quæ est ciuitas Æduorum.*

Vnde

Vnde autem huc aduenerit Lazari corpus , nullo certo indicio prodit , nec Lazarum insuper Episcopum fuisse vel Martyrem significat , sed ab aliis postea significatum est. Falsi quippe rumores ex paruis nascuntur initiis , & in magnas tandem fabulas adolescunt , quibus & ipsi sapientes , si quando non caueant sibi , & aures & calamos accomodant.

Ex incerta fama , cuius Honorius Augustodunensis meminit , ortum habere videtur Prosa illa , quæ in veteri officio Ecclesiæ sancti Lazari ad Belouacum decantatur : *Suscitatur Lazarus tumulo vinctus manus , & pedes vinculo , adepturus dignius præmium , gratulantur plures è populo , proclamantes viso miraculo , Redemptorem venisse gentium.* Et paulo post : *Discedit Lazarus , deserit patriam , mare transiit , timens scuitiam Iudæorum , deuenit ocysus in Cyprum Insulam flos Sanctorum , præsulatu sublimatus mundo vixit Deo gratus , tandem per martyrum est à Deo coronatus , & in cælo collocatus ordine cælestium.* Hæc eadem Prosa etiam nunc canitur in Diuinis Officiis Ecclesiæ sancti Lazari , quæ est ad Lutetiam

Parisiensium. Atque ita fit, ut quo die Lazarus in Parisiensi suburbio Episcopatum in Cypro gessisse, & Martyrium complevisse dicitur, eodem & in urbe massiliensis Episcopus asseratur ab iis, qui Parisiensis Breuiarij Lectiones recitant, aut ab anno circiter 1565. recitarunt. Scilicet ab isto tempore quæ lectiones ex Decreto Senonensi, & Tridentino debuissent expungi, tunc Parisiense Breuiarium occuparunt. An autem ex quo Lazarus iste cœpit haberi Massiliensis Episcopus, illud carminis genus compositum fuerit, quis credet, cum istiusmodi carminum Auctores gentis suæ opinioni sese soleant accommodare?

His accedit Villamontius lib. 2. Pergrinationum cap. 7. qui cum in Insula Cypro versaretur, & Cytio, quod est oppidum Cypri, transiret, vidisse se antiquissima templa scribit ex populi traditione, in honorem sancti Lazari Cytienfis Episcopi ædificata. Verum hæc Loci traditio quanquam Massiliensi antiquior, à veræ tamen traditionis natura deficit, cum nullum supra

sexcentos annos testem sui habeat idoneum; nec cum vetustis de Lazaro Græcorum traditionibus conueniat. Etenim cum Epiphanius in Cyprio Episcopus, Zonaras, Cedrenus, Curo-palates, & Menologia Lazaro non tribuant Episcopatum, quis illi Episcopatum postea tribuere prudenter posset? Hic quoque Episcopatus Nicephoro incognitus fuit, tametsi de Lazaro specialia quædam narrarit lib. 1. Historiæ cap. 25. *Multitudine (post eius suscitatio-*
nem) tumultuante ac Pontificibus, & ipsius
Lazari occidendi consilium, rationemque
quærentibus, Hierosolymis relictis inde seces-
sit, & finitimum, qui Ephrem dicitur, inco-
lit locum. In vrbe Cytienſi, ex qua Lazari corpus translatum fuit Constanti-nopolim, erecta in honorem illius templa fuisse non dubito, & illa, quæ ostensa sunt Peregrinantibus vetustissima facilè credo, sed quibus progressu temporis Lazaro, ex occasione reliquiarum vulgus Cytienſem Episcopatum affinxit. Vtrum autem id carminis, quod relatum est, à Cypriis Galli, cum rerum in Insula potirentur, acce-

perint, vel aliter contigerit, non anxie quærimus, cum vbiq; semper fuerint, qui similes versus & historias scriberent.

Nunc Massiliense Lazari Sacerdotium breuiter expediamus, & missum faciamus Reinerium, qui ad annum 1256. lib. contra Vualdenses cap. 1. Lazarum antistitem fuisse scribit, sed cuius Ecclesiæ, non meminit: *Leprosus*, inquit, *factus est Cenomanensis Episcopus*, & *dictus est Tubanus*, & *Lazarus etiam factus est Episcopus*.

Et verò ex iis, quæ iam de Maximino animaduertimus, satis apparet Lazarum longè seriùs factum fuisse Episcopum Massiliæ, quàm Maximinum Aquarum Sextiarum. Iacobus Genuensis, qui circa annum 1300. Legendam Aurèam composuit, & secundum illum Philippus Cabellicensis Episcopus qui circa annum 1355. Apologiam pro Prædicatoribus sancti Maximini contra Vizeliaci Monachos scripsit, primi, aut saltem inter primos Lazarum cum aliis in nauem Magdalenæ coniecerunt, eique de Massiliensi Ec-

clesia prouiderunt. Quæ res postmodum, vt ex se præclara visa est, in Sanctorum Martyrum Topographiam, quæ, vt volunt, edita est anno 1450. & Neapoli recognita anno 1572. in Catalogum Sanctorum, quem Petrus Venetus contexuit, in Compilationem Chronologiam; quæ anno 1474. finitur, in vltimam de Lazaro Philippi Bauisseti Canonici massiliensis panegyrim, in mille Recentiorum, Scriptorum commentarios, & atque adeò in Gallicanum martyrologium, rapidâ quadam & effusâ alluione transiit.

Quoniam verò ex Recentioribus aliqui Vincentium, Iacobum & Petrum citare non audent, quos quisquillas volantes, & venti spolia non rarò collegisse literatorum hominum nemo negat, suam sic artem in exitium veritatis occultant. Ex futilibus; quas illi referunt, historijs ad libidinem alia reijciunt, alia retinent, alia comptiori latinitate donant. Quod sanè & pro suo, & pro similium Scriptorum iure, qui Sanctorum gesta ad primam sui originem non recenscent, facere possunt: *Mentior*: in-

quit Tertullianus , *si non etiam à regulis suis variant inter se, dum unusquisque proinde arbitrio suo modulatur, quæ accepit, quemadmodum de suo arbitrio composuit, qui tradidit.* Quasi verò ex aliqua narratione, quæ tota veris historiæ & traditionis legibus rejici debet, si aliud auferas, aliud immutes, aliud expolias, veritate nitatur, quod tibi placebit, in certa traditione positum sit, quod traditum scripseris? non ergo tibi liceat nomen traditionis semper usurpare, cum quid ipsa sit, quid valeat, quid postulet, ignores, aut fabulandi causa dissimules. Quæ corrupta sunt aliquando Sanctorum acta, non ad cuiuslibet vertiginis calculos, sed ad vetustiora & puriora exemplaria exigi debent, adminiculante tunc, si velis, coniecturâ, sed quæ nihil à recto & benè morato iudicio alienum sapiat, & præterea primis Ecclesiarum traditionibus agglutinetur.

CAP. IIII.

Multiplex de Magdalena & Martha figmentum sola recensione exploditur, & inde pristina veritas illustratur.

TAndem ad fabularum caput, & originem deuenimus. Agedum igitur: de Magdalena non minus apud recentiores Græcos, quam apud Latinos multa contra veritatem narrata sunt. Græci suas fabulas partim reiecerunt, partim à Latinis reiiciendas reliquerunt.

Fabulam vnā narrat Michaël Glycas, & refellit Annalium parte tertia: *Caue autem, inquit, dilecte fili, ne fortè per ea, quæ hinc inde fabulosa sparguntur, tua quoque mens peruertatur. Famam enim apud multos obtinuisse, quod medicus ille Galenus in Magdalenam inciderit, & audierit ex ea, Christum quendam à natiuitate cæcum sanasse, cui Galenus responderit, necesse fuisse, ut Christus terræ metalla benè cognita habuerit, alioqui visum cæco restitue-*

re non potuisse. Verum eiusmodi rumore fabularum in ordinem & numerum referimus. Nam fieri prorsus nequit, ut de istorum sententia Galenus cum Magdalena sit collocutus, qui Marci Imperatoris in ijs meminerit, quæ ad Pisonem perscripsit, itemque Commodi mentionem Imperatoris in primo de moribus libro fecerit. Nam inter ætatem Domini nostri Iesu Christi & Imperium Commodi propemodum anni 150. intercedunt.

Alteram fabulam recenset Constantinus Manasses qui suos ad Botoniatem annales perduxit. Post deuinctam, inquit, mortem illam execrabilem, cum hic rerum opifex è sepulchro surrexisset, Maria Magdalena Romam usque cucurrit, & sceleratis illis accusatis, tantopere Tiberium ad iram commouit, ut omnes graui acerbique morte multaret. Qui Christi post suam Resurrectionem gesta, & historiam Tiberij, & quæ ex modesto retulimus, nouit, nihil horum contigisse apprimè nouit: sed ne actum agamus, ad Latinos accedendum est.

Gaufridus Vindocinensis in sermone de Magdalena primus est, qui, ni fallor, inter Latinos recepit in se, quod nonni-

hil incerti, & fabulosi sapit : O quam Venerabilis, inquit, discipula veritatis, quæ post perceptam à Domino Iesu Christo absolutionem omnium peccatorum, post eius Resurrectionem & Ascensionem in celos, & sancti Spiritus Aduentum declinans inuidiam Iudeorum, & patriæ ultimum vale dicens, pro sui conditoris amore suscepit gaudens exilium. Est itaque de propriis egressa finibus, Dominum Iesum Christum Deum verum assidue prædicans, eius Resurrectionis testificans veritatem. Hæc ille, qui ad extrema Honorij 2. tempora peruenit.

Gaufrido æqualis accedit Honorius Augustod. in serm. de Magdalena: De ea fertur, quod postquam Dominum cum aliis discipulis ascendere viderit, & spiritum sanctum accepit, eius amore postea virum non viderit, & noluerit, sed in eremum veniens in spelunca aliquot annis habitauerit, ad quam dum quidam Presbyter errabundus venisset, & quam esset, inquisisset, Mariam peccatricem se esse respondit, eumque ad sepeliendum eius corpus missum retulit. His dictis mundum, quem inhorruit, gloriabunda abiens deseruit, & Angelis hymnum concinnentibus ad Dominum perrexit. Ex Gaufrido & Honorio

discimus in primis , nullum esse virum etiam grauem , qui fabulosis vulgi opinionibus non aliquando rapiatur in errorem ; deinde quæ & qualis sit vis , & efficacia coniecturæ , quam in priori Dissertationis parte cap. 3. ex Odone Cluniacensi deduximus.

Quo autem se proripuerit Magdalena post Ascensionem Domini , vel quo secesserit in exilium , vel vbi cremus fuerit , & spelunca , in quam abdiderit se pœnitentiam actura , Gaufridus & Honorius non dicunt , sed Marcella nescio quæ marthæ famula , cui vt auctrici Magdalene & Marthæ gesta Vincentius Bellouacensis , & ex eo alij constanter tribuerunt. Hęc cum ita sese habeant , ficta illa post annum millesimum Magdalene & Marthæ gesta , & manuscripti codices eorum , si ad hodieum tempus spectes , vetusta quidem gesta , & vetusti codices dici possunt , & vetus vtcunque de illis Magdalene & marthæ gestis traditio , sed si cum prima , & antiqua traditione , quæ labis experta est , componas , noua sunt illa omnia , & erunt semper , nec vllam vnquam

vetustatem acquirerent præterquam erroris.

Gaufrido & Honorio commodum adiungendus est auctor Abbreviati Chronici, quod iam laudauimus: *Persecutione*, inquit, *post lapidationem Stephani Protomartyris mota*, Maximinus unus de septuaginta Christi discipulis ad Gallias transiens, Mariam Magdalenam secum abduxit, & eam in Aquensi vrbe, cui præsidebat, defunctam sepeliuit. Aquensi verò vrbe à Saracenens desolata, corpus eiusdem Mariæ à Girardo Burgundiæ Comite ad cænobium Vizeliacum à se constructum transfertur, quanquam aliqui scribant, quod hæc apud Ephesum quiescat, nullum super se tegmen habens. Corpus autem sanctæ Marthæ dicitur esse sepultum apud Tharascum oppidum prope ciuitatem Arelatensium. Corpus verò beati Lazari, &c. vt supra. Ecce tibi famæ initium natiuis affectibus adumbratum. Sepultam fuisse Aquis Sextiis magdalenam nostro dubium est auctori, quod illam apud Ephesum iacere scribant nonnulli. Sed cum innuit suo tempore Magdalenam Ephesi quiescere, continuo innuit se non probè no-

uisse pietatem Leonis Imperatoris, qui sacrum Magdalenæ corpus Epheso Constantinopolim transtulit, ibique amplissimum ædificari templum voluit. De sepulturæ quoque Marthæ id, quod abhuc erat famæ obnoxium, recenset. At verò postea famę, quæ nomen incerti est, mendacium successit, quorem gestam, insuper habitis eius natalibus, confidentissimè pronunciatur.

Hic ergo nobis sufficiat primos erroris fontes, primaq; fabularum origines indicasse, quas Vincentius Bellovacensis in Speculum, Hispani fabulatores in furtium Dextri Chronicum, Iacobus Genuensis in Legendam Auream, Bernardus Guidonis in Speculum sanctorum, Philippus Cabellicensis in reconcinnatam à se Magdalenæ historiam, beatus Antoninus in primam partem historiam, Petrus Venetus in Catalogum Sanctorum deriuarunt, unde postea in quarundam Ecclesiarum Officia, Calendaria, & Martyrologia irreperint. Quod tamen non publico vllius priuatæ, nedum vniuersalis Ecclesię iudicio contigit, im-

mò solâ priuatorum quorundam hominum operâ, qui non semper quid veri & certi, sed quid splendidi, & plausibilis habeant quęcumque scribuntur, vel leguntur, inquirunt, & obseruant. Neque verò credas hæc à me dici, vt illis auctoris debitę laudis quicquam detrahatur. Minimè gentium. Sed profectò de veritate, de Ecclesia, de posteris benè meriti fuissent; si Ecclesiasticorum canonum memores non fecissent sua, quę obscuri nugatores ex falso composuerunt, vel quę de ambiguitate cœperunt. Etenim præter hos auctores ex antiquioribus notum habent neminem, qui in testem vulgarium Marthę & Magdalene gestorum appelletur. Vtinam igitur principalem rerum suarum terminum de schola Augustini agnouissent, in quam nullus ingreditur, nisi qui iuret in hæc pronuntiata: *Non sit nobis religio in phantasmatis nostris. Melius est qualecunque verum, quam omne quicquid pro arbitrio fingi potest. Melior est vera stipula, quam lux inani cogitatione pro suspicantis voluntate formata.*

Quid nunc ad Vincentij & Sectato-

rum dedecus ex gestis Maximini, Magdalenæ & marthæ referam', Christianorum plures, quos Iudei vexauerant, cum Maximino, Martha & Magdalena nauem conscendisse? Trophimum Arlatensem, Paulum Narbonensem, Saturninum Tolosanum, marcialem Lemouicensensem, Eutropium Sanctonensem, Iulianum Cenomanensem, Austregisilum Bituricensensem, Gatianum Turonensem, Irenæum Lugdunensem, Ferrucium Vesontionensem, Eutropium Arausicum, Frontonem Petragoricensem, Georgium Velaunensem, Dionysium Parisiensem, cui & in ipsa navis conscensione tota Gallia commissa est? Quid memorem sanctissimos homines, quos gens immanitate barbara proprijs finibus expulit, omnes in Gallia castellis, villis, vrbibus, amplissimis Ecclesiis & opibus ditatos? quid Massiliæ ducem & eius uxorem, quos magdalena ad Christi religionem sua prædicatione pellexit, quos ad inuisenda sacra Palæstinæ loca ablegauit? Quid beatum Petrum, qui in medio nauigationis cursu massi-

liæ duci obuiam processit , qui illum de
 recenti vxoris in puerperio morte solatus
 est , qui futurum se residui itineris
 comitem promisit , qui illum in Palæ-
 stinam introduxit, & vbi demum Chri-
 stus pāssus , mortuus , & sepultus fue-
 rat, humanissimè ostendit? Quid defun-
 ctam ducis vxorem , quæ Magdalena
 precibus ad vitam reuocata , non mi-
 nus, quàm vir illius dux Massiliæ, sed
 per aliam omninò viam loca sancta vi-
 sitatum iuit cum magdalena? Quid mu-
 tuum viri & vxoris super sua peregri-
 natione colloquium? Quid dicam de
 infantulo, qui ad sepultæ matris papil-
 lam applicatus sic creuit , vt cum pater
 rediret , filiolum cum aliis pueris lu-
 dentem inuenerit ad litus maris , vbi
 mater terræ mandata fuerat? Quid ad-
 ducam vastantem omnia draconem ,
 qui à Martha in mansuetudinem eru-
 ditus , & populo ad transfigendum tra-
 ditus est, à quo deinceps locus , vbi
 voratrinam exercebat draco , nomen
 Tharasconis accepit? quid exequias mar-
 thæ , quas Christus & sanctus Fronto-
 psalmodiæ vacantes celebrarunt? quid

Marcellam marthæ pedisequam, quæ post Dominae suæ mortem Illyricum perrexit, & ibi per decem annos Euangelium prædicauit, vnde postea corpus eius translatum est Aquas Sextias, & iuxta beatæ Magdalenaë & maximi corpora sepultum? Quid denique expromam cetera, auribus animisque absurda, immo nec digna, quæ discutiantur vel risu?

Nunc non quærimus, vtrum istum naualem apparatus nouerit instructor non absimilis nauis, qua sancti Iacobi corpus septem eius discipuli Hierosolymis in Hispaniam transtulerunt, vbi & à Galleciæ Rege suscepti, Euangelium Iberis nunciarunt, & insigne magistro suo sepulchrum condiderunt, vt scribit Ordericus Vitalis lib. 2. historiæ: hoc, inquam, non quærimus, cum nunquam & nusquam defuerint artifices, qui fabulosa eiusmodi nauigia fabricarentur. Sed vt nihil à se dictum, vel fictum putetur, sic fidem suam liberat Vincentius libro 10. Speculi historialis cap. 107. & simul sibi, suisque narrationibus omnem abrogat auctoritatem:

tem: *Martilla* (aliàs *Marcella*) post excessum beatæ *Marthæ* decem annis superuixit, cuius vitam non paruo volumine hebraicè conscripsit; quæ ego *Synthex* multa prætermittens latinè transcripsi. *Euchodius* autem, *Germanus*, *Parmenas*, & *Sotheneis* beatæ *Marthæ* comites & alumni, quoad vixerint ad sacratissimam eius sepulturam peruigilantes ibidem beato fine quieuerunt. En epichitharisma post fabulam, quo recreentur necesse est, quicumque magno cum labore, animique ægritudine, hæc *Magdalenæ*, & *Marthæ* gesta suos in libros transcripserunt. Duæ sunt igitur personæ, quæ in acta *Marthæ*, ac proinde *magdalenæ* incubuerunt, *Marcella*, & *Synthex*: An autem *Synthex* fœmina sit, vt & *Marcella*, nec-ne, illorum actonium vindicibus discutiendum relinquo: satis est, quod *Marcella* Dominæ suæ, & *magdalenæ* gesta ingenti volumine hebraico descripserit, & *Synthex* hæc gesta in compendium miserit, & latinitate donarit. Non inuerissimile est Recentiores illos, qui contractis à *Synthice* *Marthæ*, & *Magdalenæ* gestis pleraque de *Lazaro*, deque aliis rebus ad-

diderunt , hebraicum Marcellæ codicem recuperasse , quo integra Marthæ & magdalenæ gesta continerentur , sed adduci non possum ego , vt credam nostros Recentiores examinasse , quibus debuit punctis codex ille notari.

CAP. V.

*Exorta Vizeliaci Monachos inter , & A-
quenses ac Prædicatores S. Maximini
de corpore Magdalenæ contentio
refertur, & dirimitur, unde post-
modum pristina veritas tra-
ditionis confirmabitur.*

Qui nostri capitis indicem vel le-
quiter inspiciet , sine dubio affirma-
bit lubricum esse argumenti genus,
quod tractamus , & inuidiosum iudi-
cium , quod pronuntiaturi sumus. Sed
omnibus præferenda rebus inuidiam
eleuabit veritas , quæ hac in parte il-
lustris reddetur. In omni de re posses-
sa lite quærendum est , quis prior , &
quo iure possedit : quo tempore posses-

sio, & quibus instrumentis turbari cœpta est. Legitimam hoc capite possessionem probamus, illius postea originem, & aliorum, quæ consecuta sunt, indagaturi. Atque ut in hac controuersia ordinem doctrinæ potius, quàm fori seruemus, videndum inprimis, quis prior ex Monachis, vel Prædicatoribus possedit? Beatæ magdalenæ corpus Monachi Vizeliacenses possident, & pluribus annis antè possident, quàm vel Aquenses repugnarent, & Prædicatorum Ordo natus esset: immo Prædicatores possessionem monachorum prius professi sunt, quàm turbarent. Quæ duo sigillatim demonstratum imus.

Ad primùm quod attinet, legitimæ seu pacificæ possessionis testes præsto sunt quatuor Romani Pontifices, quorum priuilegia, si quartum excipias, nunc primùm in lucem edimus, prout ea ex Archiuis Vizeliaci non ita pridem deprompsit, & nobis communicauit v. cl. Andreas Quercetanus, Regis Historiographus.

I. *Lucius Episcopus seruus seruorum Dei*
K ij

dilectis filiis G. Abbati, & Fratribus Vize-
liacensibus salutem, & Apostolicam benedi-
ctionem. Fratres nostri Episcopi & Cardina-
les nos suppliciter & deuotè rogarunt, ut
Monasterium vestrum pro reuerentia beatae
MARIAE MAGDALENÆ, CUIVS IBI
CORPVS QUIESCIT, largitionis no-
stræ studeremus munere decorare, ut ex hoc
magis apud homines celebre fieret, & maio-
ris venerationis in posterum haberetur. Vt igitur
de largitione gratiæ Apostolicæ Sedis va-
leat amplius gloriari, & in maiori apud ho-
mines veneratione haberi, tibi fili Abbas,
tuisque successoribus, usum mitræ de consue-
ta benignitate Apostolicæ Sedis concedimus,
& ut ea in præcipuis solemnitatibus, & pro-
cessionibus Monasterij, in Conciliis Romano-
rum Pontificum, in Consequi Episcoporum, &
mortuorum exequiis liberè uti possitis, cle-
mentiùs indulgemus. Datum Laterani Id.
Ianuarij.

2. Urbanus Episcopus seruus seruorum Dei,
dilectis filiis Abbati & Conuentui sanctæ
Mariæ Magdalene Vizeliacensis salutem,
& Apostolicam benedictionem. Ad Eccle-
siastici decoris augmentum insignia reperta
sunt dignitatum, quæ Sacrosancta Romana

Ecclesia congrua in singulos liberalitate distribuit, & deuotis filiis, prout dignum iudicat, suscipienda pariter, & obtinenda concedit, vnde nos pro reuerentia beatæ MARIE MAGDALENÆ, CVIVS SACRVM CORPVS IN VESTRA ECCLESIA REQUIESCIT, & vestræ deuotionis merito prouocati usum mitræ, chirothecarum & annuli, tibi fili Abbas, tuisque successoribus indulgemus, & auctoritate Apostolica confirmamus. Nulli ergo, &c. Datum Veronæ 3. Non. Iulij.

3. Clemens Episcopus serus seruorum Dei Girardo, & Conuentui Vizeliacensi Salutem, & Apostolicam benedictionem. Ad Ecclesiastici decoris augmentum insignia reperta sunt dignitatum, quæ Sacrosancta Romana Ecclesia congrua in singulos liberalitate distribuit, & deuotis filiis, prout dignum iudicat, suscipienda pariter, & obtinenda concedit, vnde nos pro reuerentia beatæ MARIE MAGDALENÆ, CVIVS SACRVM CORPVS IN VESTRA ECCLESIA REQUIESCIT, & vestræ deuotionis merito prouocati, usum sandaliorum, tibi fili Abbas, tuisque successoribus infra tuas Ecclesias indulgemus, & auctoritate Apostolica confirmamus. Nulli ergo

*Ec. Datum Pisis 15. Calend. Februarij
indictione 6.*

4. Innocentius tertius lib. I. Epistolarum Decretalium Epistola ad Gerardum Abbatem Vizeliacensem : *Liceat insuper , sicut à benignitate Sedis Apostolica instantius postulastis , ut tam in solemnitatem , quàm in TRANSLATIONE BEATÆ MARIE MAGDALENÆ infra quadragesimam annis singulis celebratis , ad gloriam Dei , & laudem , ob Solemnitatis ipsius reuerentiam , Gloria in excelsis Deo , ad Missas de Festiuitate ipsius in Monasteriis vestris solemniter decantatis.*

Næ cæcus sit ille , qui ex his non videt longè ante institutum Prædicatorum Ordinem , & in Vizeliaci cœnobio corpus Magdalensæ sine vlla controuersia fuisse , & illius celebratam magno cum pietatis sensu translationem. Enimvero Ioannes Saresberienfis Carnotensium Episcopus , qui ab anno 1154. ad annum vsque 1180. floruit , Epistola 274. testatur suo tempore , & suo exemplo Galliæ præsules ad Vizeliacum , ut beatæ Magdalensæ festo interessent , conuolasse. *Nuper , inquit , in festo beatæ*

Marie Magdalene Vizeliacum profectus sum. Quod antea, & de Præsulibus forsan, & de alijs non obscurè significat monachus Autisiodorensis in Chronico, anno 1120: *Hoc anno*, inquit, *in Ecclesia Vizeliacensi, in Vigilia transitus beatæ Mariæ Magdalene incertum, quo Dei iudicio innumerabiles promiscui sexus, & ætatis, atque ordinis in ipso crepusculo noctis, atque diei Ecclesia subito confligente combustisunt.*

Nunc assertam a Prædicatoribus Magdalene translationem demonstramus: Vincentius Bellouacensis, qui ad annum 1240. claruit, de translatione Mariæ Magdalene sic disserit libro 24. speculi historialis cap. 152. *Porro inquit, quando de urbe Aquensi translatum est corpus sanctum, inuentum est in sepulchro suo ex omni parte integerrimum, cute etiam integerrima superductum: infra. Quam sacram glebam frater Badilo Vizeliacensis cœnobij, qui ad hoc ipsum ab Abbate Eudone, & Girardo comite illuc directus fuerat, ut si quod inuenire pignus posset, ad illos deferret. infra. Intromiserunt corpus in Ecclesiam sanctæ Dei genitricis, & beatorum Apostolorum à principio consecratam, atque, ibi honorificè*

ut decebat, reposuerunt 14. Calend. Aprilis.

Ad Vincentium accedit Breuiarium Ordinis Fratrum Prædicatorum, quod anno 1254. confectum, in Bibliotheca eorundem asseruatur Lutetiæ : Lektionem sextam habet ex translationis libello, qui ad marginem rubricatâ lineâ indicatur : *Translatum est, ait, corpus Mariæ Magdalene de loco prædicto, (Aquensi vrbe) ad monasterium, quod dicitur Virziliacum, anno passionis Domini 749.* Translationis libellus, quem Vincentius & auctores Breuiarij probando suum fecerunt, quid contineat veri, quid falsi, postea expendemus, nunc satis est Magdalene pacificam Vizeliaco translationem vindicasse.

Tertius sit Iacobus Genuensis in vita Magdalene : Cum ergo Vizeliacense monasterium construxisset, (Gerardus dux Burgundiæ) misit & ipse Abbas monasterij quendam monachum cum decenti comitatu ad Aquensem ciuitatem, ut inde si posset habere beatæ Magdalene reliquias, transportaret. Veniens ergo prædictus monachus ad prædictam ciuitatem, cum ipsam funditus à paganis destructam reperisset, cauum quod-

quoddam inuenit sepulchrum, cuius sepultura marmorea demonstrabat, quod corpus beatæ Mariæ Magdalænæ repositum intus erat. In posito enim sepulchro historia eius miro opere sculpta erat. Nocte igitur illud effugiens, effringens fortè, assumptas reliquias ad hospitium deportat. In qua autem nocte beata Maria Magdalena eidem apparuit monacho dicens: Ne timeret, sed cœptum perficeret. Et cetera, quibus multa in Vizeliaci monasterio miracula patrata fuisse refert.

Vincentio & Breuiario addimus Iacobum Genuensem, quamuis non ita nobis constet eum Legendam Aurcam edidisse ante annum 1280. quo procurantibus suis Fratribus noua facta est inuentio Magdalænæ in Villa, quæ nunc oppidum sancti Maximini vocatur. Sed hac in re tam accurata temporis ratio nihil, aut parum iuuat. Etenim vel Iacobus Legendam suam composuit ante annum 1280. vel postea: si dicatur primum: non immeritò Vincentio, & Breuiario accensetur, si secundum, inuentionem illam, quæ homini tam vicino vix ignota esse potuit, pro ni-

hilo duxit, & ita nostram assertionem confirmat. Hæc cum ita sese habeant, Prædicatorum sancti maximini rem ad Vincentium, Breuiarium Ordinis, & Iacobum, vt ad triarios rediisse, quis non animaduertit?

C A P. V I.

Magdalene translatio ad Vizeliaci monasterium contra quosdam hæsitantes confirmatur.

DE hac translatione sub annum 1255. à nonnullis dubitatum est. Causa dubitandi, ni fallor, duplex fuit: vna est, quod partim à Gregorio Turonensi, & aliis magdalena quiescere Ephesi dicatur, partim ab auctore Abbreuiati Chronici, cuius mentionem fecimus, & ab interpolato Sigeberto Magdalene ad Vizeliacum translatio in dubium reuocetur. Interpolatum iam tunc Sigebertum dicimus, tum quia Gemblacense Sigeberti exemplar, quod edidit Miræus, nihil de hac re tota

repræsentet, tum quia sic à Librariis auctum producat Vincentius in Speculo lib. 24. cap. 151. *Aquensi urbe à Sarracenis desolata corpus Mariæ Magdalena à Gerardo comite Burgundia ad cœnobium Vireliacum à se constructum transfertur, quanquam aliqui scribant quod hoc apud Ephesum quiescat, nullum super se tegmen habens.* Sunt & alia Sigeberti exemplaria, ubi & illud adiectum est, quod acta Magdalena & marthæ de Maximino tradunt: *Persecutione post lapidationem Stephani mota, Maximinus unus de 70. discipulis ad Gallias transiens Mariam Magdalenam secum abduxit, Et eum apud Aquensem urbem, cui præsidebat, sepeliuit defunctam, Aquensi verò urbe à Sarracenis desolata, &c.* ut supra. Has ad Sigeberti Chronicum appendiculas cum non aduerteret Baronius de Magdalena differens, Sigeberto tribuit, quod minimè tribuendum fuit.

Altera dubitandi causa, eaque potissima, quam ex beati Ludouici historia repetimus. Ludouicus cum anno 1254. ab expeditione Terræ Sanctæ in Galliam rediret, Prouinciā transiuit, &

Aquas Sextias se contulit, vt reliquias Magdalenæ inuiferet, quæ ab hac vrbe vnius diei itinere distabat, vt scribit Ionuillæus in Chronico cap. 80. Nunc, vt ferunt hominum mores, dubium ferè nullum est, quin Rex & Comites Regis, cum in hanc Galliarum partem redijssent, & profectiōis suæ momenta expenderent aliquando, dixerint se in Prouincia magdalenæ reliquias visitasse. At hæc non antè his in locis dicuntur, & maximè in Burgundia, quàm dubitetur, num in Vize-liaci monasterio sit Magdalenæ corpus, vbi dudum esse credebatur. Quod non multò post rei probauit euentus. Dubitatum igitur à plerisque tunc est, vtrum Magdalenæ corpus Vizeliaci foret, cum duobus in locis non esset? Sed vt hic scrupulus ex animis hæsitantium tolleretur, monachi Guidonem Autisiodorensem, & Petrum Panca-densem Episcopos aduocarunt, qui translationi Magdalenæ his literis fidem fecerunt:

Vniuersis præsentēs literas inspecturis Guido de Melloto diuina miseratione Autisiodo-

rensis, & Petrus eiusdem miseratione Panea-
densis Episcopi salutem in Domino. Cum pu-
blice diceretur, & ferè ab omnibus Christi fi-
delibus notitiam loci Vizeliacensis habentibus
crederetur, quod corpus gloriosissimæ Mariæ
Magdalene requiesceret in Monasterio
Vizeliacensi, quidam tamen, an ibi re-
quiesceret, hæsitarent, religiosi viri Ioan-
nes humilis Abbas ac Conuentus monasteriũ
eiusdem pro firmo tenentis, quod in ip-
so monasterio requiesceret corpus gloriosissimæ
peccatricis, & omnem scrupulum hæsitationis
de fidelium mentibus amputare volentes, ut
ad dictum monasterium veniremus, ad exqui-
rendam huius rei rectitudinem, & probandam
nobis humiliter supplicarent. Nos verò deuotis
ipsorum petitionibus annuentes anno Domini
1265. die dominica ante festum beati Dio-
nysii, ad dictum Vizeliacense venimus, & ipsa
nocte per matutinas cum Conuentu personali-
ter ad locum accessimus, in quo dictum corpus
gloriosissimum requiescere dicebatur, & cir-
cumfodientes ibidem quoddam vas nobile
aeneum, seu metallinum, quadratum, & longum
in quodam loco subtus magnum altare deu-
otissimè inuenimus, & in dicto vase quasdam
venerandas reliquias cum magna veneratione

repositas, & in duobus pannis sericis inuolutas, & erat ibidem copia muliebrium capillorum. Quas quidem sanctas reliquias esse corpus beatissimæ Magdalene manifestissime declaratur ex testimonio literarum illustrissimi Regis quondam Caroli cum iisdem reliquijs inuentarum, quarum tenor talis est: In nomine sanctæ & indiuiduæ Trinitatis, Carolus Dei gratia Rex. Regalis celsitudinis mos est, ut nos iustorum supplicationibus annuendo ea, quæ futurorum commendanda sunt memoria, manus nostræ propria subscriptione firmemus, & annuli nostri impressione signemus. Idcirco nouerit experientia & industria omnium fidelium, quod in hoc sacro loculo reconditum est sacrum corpus beatissimæ Mariæ Magdalene, Signum Caroli gloriosissimi Regis. Dictas verò reliquias letanter inuoluimus, & cum magna circumstantium pietate, gaudio, & multitudine lacrymarum diligenter inspeximus, & postmodum deuotè adorauimus, superadditis quibusdam lintamine, & alio panno, ne propter vetustatem pannorum sericorum de corpore tam gloriosissimæ, seu de tam venerandis reliquijs aliquid deperiret. Quibus taliter inuolutis, ac etiam ligatis à nobis, sigilla nostra ibidem apposimus cum sigillo Religiosi viri Guerrici Abbatis S. Mariani

Autisiodorensis, & venerabilis viri Magistri Petri Præcentoris Senonensis, ac huiusmodi venerandas reliquas cum dictis litteris ibidem repertis, in dicto vase reposuimus, supra idem vas: Nos Autisiodorensis Episcopus signum nostrum antè & retrò: Nos Pancadenſis Episcopus, & dictus Abbas S. Mariani Autisiodorensis signa nostra nihilominus apponentes, ideoque vas iuxta locum suum pristinum reponentes, ac eundem ut prius fuerat, obturantes. In huius autem rei testimonium & certitudinem, sigilla nostra præsentibus literis duximus apponenda. Datum & actum anno Domini prædicto die Lunæ post Dominicam supradictam.

Huic reliquiarum inuentioni posteaquam Præsules incubuissent, illi ipsimet, quid egerant, sanctissimo Regi nunciarunt. Rex eos humaniter excepit, & relictuandis, ut aiunt, magdalene reliquiis diem dixit, qui in beati marci vigiliam incidit anno Domini 1267. Huic operi interfuit & ipse Rex, interfuerunt & Simon Cardinalis Apostolicæ Sedis in Francia Legatus, Alfonsus Comes Pictaviensis Regis frater, Theobaldus Nauarræ Rex, & Campaniæ Comes, tres Regis filij, Phi-

lippus, Ioannes & Petrus. Hugo Dux Burgundię, Alfonsus Comes de Augo, Guido Episcopus Autisiodorensis, Ioannes Abbas Vizeliacensis, Geraldus Abbas sancti Germani Parisiensis, & plures alij Illustres viri, qui in actis Vizeliaci significantur. Nunc dandę sunt litterę, quibus & Magdalene translationi, & reliquiis certissimam fidem facit sanctus Ludouicus.

Ludouicus Dei gratia Francorum Rex. Dilectis sibi in Christo Abbati, & Conuentui Vizeliacensi salutem, & sinceram in Domino caritatem. Mittimus vobis per dilectum & fidelem Clericum nostrum Magistrum Geraldum Archidiaconum in Ecclesia Parisiensi, latorem presentium, pretiosum brachium beatissimę Marię Magdalene, & genam ipsius una cum tribus dentibus, quę in octauis Paschę ultimò præteriti cū nos solemni ter eiusdem beatissimę Marię translationi interfuimus, nobis apud Vizeliacum tradidistis, quę quidem ob specialem deuotionem, quam nos & cuncti fideles habere debemus ad ipsam, in vasculis aureis, & varijs lapidibus pretiosis ornatis, brachium videlicet in vasculo facto ad modum brachij una cum manu; genam
verò

verò in alio vasculo, quod ab Angelo argenteo deaurato inter manus tenetur, fecimus honorificè collocari; vobis & vestræ Ecclesiæ ex parte nostra per dictum Archidiaconum præsentanda, in præsentia venerandi Patris Simonis tit. Sanctæ Cæcilie Presbyteri Cardinalis Apostolicæ Sedis Legati, causa visitationis vestram Ecclesiam adeuntis. Verum cum vos de sacratissimo corpore prædictæ Beatæ Magdalene, cum ipsius translationi, ut prædictum est, interfuimus, portionem bonam nobis liberaliter dedissetis, ex quo vobis grates referimus copiosas, nos liberalitatem vestram huiusmodi attendentes, vestram quoque Ecclesiam venerando decorare volentes exuuiis, de sacratissimis reliquijs nostris, quas iam dudum recepimus de Imperij Constantinopolitani thesauro, vobis transmisimus, de pretioso videlicet ligno dominico, duas de spinis sacratissimæ coronæ Domini, de pannis infantie Saluatoris, de ipsius sudario, de veste purpurea, in qua fuit illusus, & de linteo, quo fuit præcinctus, quando pedes discipulorum suorum extersit in cæna: quas quidem reliquias fecimus in manus brachij supradicti reponi. Congruum enim visum est nobis, quod huiusmodi reliquiæ Redemptoris

ponerentur cum reliquijs illius Sanctissimæ mulieris, quæ tam ardentè dilexit eundem, & ab eo tam largam suorum recipere meruit veniam delictorum: à qua etiam ipse tam familiariter se tangi permisit. Rogamus igitur dilectionem vestram, quatenus huiusmodi tam sanctas, tamque venerandas reliquias cum debito suscipientes honore, & ipsas cum ea veneratione, qua decet, conservare cauentes, ne prædicta vascula, ac lapides pretiosi ad ornatum eorum apposti alienentur in posterum, seu etiam distrahantur. Ceterum vos ut vestris orationibus, ac beneficijs nostri, nostrorumque specialem perpetuò memoriam habere velit. In cuius rei testimonium præsentibus literis nostrum fecimus apponi sigillum, anno Domini 1267. mense Julio.

His Ludouici literis subiungimus alias literas, quibus Simon Cardinalis Legatus, ea, quæ & à Rege dicta sunt, & ab aliis facta confirmat:

Simon miseratione diuina tit. sanctæ Cæcilie Presbyter Cardinalis Apostolica Sedis Legatus ad æternam rei memoriam. Sanctuarium pretiosum, quod his diebus Charissimus Princeps Ludouicus Rex Francorum illustris monasterio Vizeliacensi ad Romanam Eccle-

fiam nullo medio pertinenti, Ordinis sancti Benedicti, Aduensis Diocesis, per discretum virum Geraldum Archidiaconum in Ecclesia Parisiensi transmisit, & quod idem Archidiaconus in nostra, & cleri & populi praesentia, religiosus viris Abbati, & Conuentui eiusdem monasterij, ex parte ipsius Regis praesentauit, & dedit, videlicet os brachij beatæ Mariæ Magdalene collocatum in vasculo aureo ad modum brachij facto, ornato decem & octo Rubinis, quorum plures sunt optimi, & reliqui sunt balas, viginti & nouem Smaragdis, tredecim Sapphiris Orientalibus, & triginta duabus margaritis grossis, partem etiam ligni veræ crucis, & pannorum infantiae Saluatoris, ac purpure, in qua fuit illusus, nec-non balthei, quo præcinctus extitit, cum lauit pedes discipulorum, & duas spinas de vera corona, qua in sua passione extitit coronatus, in manu ipsius brachii situatas, genam quoque ipsius Sanctæ, cum tribus dentibus repositam in quodam vasculo argenteo deaurato, quod Angelus argenteus deauratus, ornatus quatuor Merinis balas, & totidem Sapphiris, & octo Smaragdis tenet in manibus, intactum permanere volentes, & ad deuotionem perpetuam eidem monasterio integraliter conser-

uari, auctoritate qua fungimur, districtius inhibemus, nequis tantum Sanctuarium, seu ~~vas~~ prædicta vasa, vel eorum partem, aut aliquem de prædictis lapidibus vendere, minuere, vel mutare, donare, impignorare, detrahere, vel scienter vendere præsumpserit, excommunicationis sententiam proferentes, ordinantes etiam, ac statuentes, & in virtute obedientiae prædictis Abbati, & Conuentui districtè præcipiendo mandantes, ut semel annuatim in Capitulo Generali personarum supradicti monasterij inhibitionem, & excommunicationem huiusmodi publicè legi, & diligenter exponi faciant, ac solemniter publicari. Datum apud Clameriacum quinto Idus Augusti Pontificatus Domini Clementis Papæ quarti anno tertio.

Ad extremum eiusdem Legati diploma subiungimus, quo Vizeliaci monasterium visitantibus consuetam peccatorum veniam largitur:

Simon miseratione diuina tit. sanctæ Cæciliæ Presbyter Cardinalis Apostolicæ sedis Legatus, Religiosis viris Abbati, & Conuentui monasterij Vizeliacensis ad Romanam Ecclesiam nullo modo pertinentis, Ordinis sancti Benedicti, Aduensis Diœcesis salutem, & sinceram

in Domino caritatem. Sanctorum meritis inclyta gaudia fideles assequi minimè dubitamus, qui per condigna deuotionis obsequia, eorum patrocinia, eamque venerantur in illis, quorum gloria ipse est, & retributio meritorum. Causam itaque dare populis deuotis ad promerenda sempiterna gaudia cupientes, omnibus Christi fidelibus verè pœnitentibus, & confessis, qui in singulis quatuor festiuitatibus, quæ de beata Maria Magdalena in Ecclesia vestra, IN QVA EIVS CORPVS REQUIESCIT, annis singulis celebrantur, cum deuotione, ac reuerentia visiterint annuatim, ibidem suorum peccatorum veniam, à misericordiarum Domino petentibus, de omnipotentis Dei misericordia, & beatorum Petri & Pauli Apostolorum eius, ac ea, qua fungimur, auctoritate confisi, centum dies de iniunctis sibi pœnitentijs misericorditer relaxamus. Datum apud Clameriacum tertio Idus Augusti Pontificatus Domini Clementis Papæ quarti anno tertio.

Hæc sunt insignia monumenta, quibus Vizeliacenses excitatam nuper de sua Magdalena dubitationem sustulerunt. Illa verò quoniam & ad commendandam beati Ludouici pietatem, &

ad historiæ lucem plurimum conducunt , integra quamuis paulò longiora exhibuimus , prout ea nobis aliquot ante annos communicavit v. cl. Andreas Quercetanus.

C A P. VII.

*Alia corporis Magdalene Inuentio in A-
quensis territorij Villa , ubi nunc oppidum
sancti Maximini , & Monasterium Fra-
trum Prædicatorum , refertur , & à Vi-
zeliacensibus Monachis contradicitur.*

NON potuit prudentiùs testatissi-
ma illa Magdalene ad Vizelia-
cum translatio, & inuentio confutari,
quam aliâ nouâ in Aquensi pago eius-
dem inuentione. Etenim si verum bea-
tæ Magdalene corpus inuentum sit ea
in Villa, quæ nunc oppidum sancti Ma-
ximini vocatur , Magdalene corpus il-
lud non fuit , quod pridem ad Vize-
liaci monasterium translatum est, & plu-
ribus cum primis Romanorum Ponti-
ficum rescriptis, deinde oculatis sancti

Ludouici , & Cardinalis Simonis Legati testimoniis confirmatum. Vt interim ea omittam miracula , quę in Translatione patrata referuntur apud Mombritium , & Iacobum Genuensem in vita beatę magdalenę. Quare omni opera enitendum est , vt cuius & quantę sit fidei inuentio , exploretur. Qui hanc historiam antę nostractarunt in Annalibus Ecclesię , id eorum pace dixerimus , omiserunt , à quo tota inuentionis , & rei inuentę pendet auctoritas , & fides. Quod igitur omiserunt , nostrę discussionis caput erit , vbi considerandum , cuius consilio , & à quo hæc noua beatę Magdalenę inuentio procurata sit.

Sub finem anni 1279. secreta quędam de ædificandis monasterijs cogitatio immititur Carolo Sicilia Regi , & in magdalenam , quę quondam in Prouincia pœnitentiam agens obierat , pietas afflatur. Diudicantibus potissimum inter hæc omnia duobus Fratribus Ordinis Prędicatorum , altero Guillelmo Tonneseio , qui Carolo Regi à Consiliis erat , & Confessionibus ; altero venera-

bili Patre Elia , cui multa de Magdale-
 næ reliquiis reuelabantur. Tunc vbi se-
 pulta Magdalena fuerat, nesciebatur ab
 an. 700. vel 710. quo Monachi quidā il-
 lius corpus occultauerant, metu Sarrace-
 norum, qui ad spoliandam Aquensium
 regionem irruerant. Carolus Magda-
 lenæ loculum perquiri ipse sollicitus,
 & perquiri iubet, solus inter mortales
 reseruatus, qui domum in honorem
 beatissimæ Peccatricis excitaret. Tan-
 dem inter perquirendum, ad abscondi-
 tum sepulchrum numinis instinctu de-
 uenitur. Effodiunt alij, effodit & ipse
 Rex, exuta chlamyde, & sumpto in ma-
 nus bidente. Detegitur sepulchrum, &
 in eo vetus inuenitur inscriptio, quæ
 ab alijs neglecta, regias in manus com-
 modum incurrit. Et est talis: *Anno nati-*
uitatis Dominice 710. sexta die Nouem-
bris in nocte secretissima Regnante Odoino pi-
issimo Rege Francorum, tempore infestationis
gentis perfidæ Sarracenorum, translatum fuit
hoc corpus carissimæ, ac venerandæ beatæ
Mariæ Magdalænæ de sepulchro suo alaba-
stri in hoc marmoreo, timore gentis perfidæ.
 Hęc porro sepulchri detectio, & ins-
 criptionis

criptionis inuentio non sine reuelatione contigit, quę venerabili patri Ælię facta est. Tunc Carolus Rex confestim letari, deinde præ gaudio lacrymari, tum alios ad lacrymandum suo exemplo impellere, quod ipse sepulchrum inuenisset omni Aquensium populo incognitum, & tot antè sæculis occultatum. Sed in hac & sepulchri, & corporis inuentione, quę paucis nota erat, regia pietas non sistit, vlttà progreditur, & tertio nonas maij anno Domini 1280. vocatam Regni, quàm Prouincię Pręlatos, Comites & Barones, quibus hæc omnia declarat, & insuper Antistites ipsi sacras reliquias palpant, & cereus in iis globulus eminet breuem continens schedulam, quã hîc Magdalenam quiescere significatur. Ex hoc minus decenti loco reliquias extrahunt, & in capsâ auro, argento, gemmisque ornata collocant, & Rex ibi amplissimum quoddam Fratribus Prędicatoribus Monasterium erigit; & plurimis redditibus instruit. Qua in re & pius princeps Magdalene paruit, quę, vt hæc faceret omnia, per visum illi apparens imperauerat.

Locum meæ mortis , inquit, & meæ pœnitentiae Fratribus, id est, Prædicatoribus trades. ego enim Prædicatrix, & Apostola fui. Conuentui loci, in quo decessi, reditus pro centum Fratribus assignabis, ut semper ibi vigeat studium generale : Quibus iussis euauit, nec pro Fratribus Minoribus quicquam, ut apparet, imperauit. Hæc est integra totius inuentionis Magdalenæ narratio, quam comparauimus ex Richardo Cisterciensi apud Bzouium, ex Ptolomæo Lucensi, & Bernardo Guidonis apud Spondanum, ex Siluestro Prierate in expositione Euangelij feriæ 5. infra octauas Paschæ, & ex Philippo Cabellicensi Episcopo in historia Magdalenæ, & in Apologia contra Vizeliaci monachos, cuius codex manuscriptus extat in Bibliotheca sancti Victoris. Ex his auctoribus tres sunt Dominicani, Ptolomæus, Bernardus, Silvester, qui & sua, eaque proculdubio egregia ex Archiuis sancti Maximini descripsit. Ceteri recentiores, si Ricardum excipias, ex istorum commentarijs sapiunt. Quod autem ad Vizeliacenses monachos spectat, pluribus illi vijs recla-

mant huic inuentioni. Prima est ex tempore inscriptionis qua anno 710. apud Philippum Cabellicensem Magdalenæ corpus translatum dicitur, Odoino Francorum Rege. At Odoinus seu Odo non anno quidem 700. vel 710. in Gallia regnabat, sed Childebertus 2. & post istum Dagobertus 2. Odoinus verò seu Odo ab anno 888. regnum administrauit vsque ad annum 898. quo Carolus Simplex regnare cœpit. Quod ergo monumenti genus præ ceteris rerum gestarum veritatem asserere, & ab omni fraude vindicare solet, illud hanc nouam inuentionem suspectam reddit omnino, & fraudulentam. Secunda, quod nostræ narrationis auctores dicant ab eo tempore Magdalenæ corpus, & sepulchrum fuisse incognitum, quo metu Sarracenorum translatum est. At viginti sex antè annis sancto Ludouico, cum ex Oriente rediret, hoc quodcumque est, Aquenses ostenderunt. *Postea, inquit Iouillæus c.80. Chronici, ex Olbiensium insulis Rex discessit Aquas Sextias, quod visum ire vellet Magdalenam, quæ inde unius diei itinere ia-*

cebat. Tertia, cum ex vna parte Magdalena obierit Ephesi, & sepulta fuerit, vt vidimus, atque ex alia nemo reliquias illius apud Aquenses transtulerit, & sepeliuerit, quid aliud sequitur, nisi quod noua hæc inuentio ad nostram Magdalenam non spectet. Quarta, quod monachi contra Prædicatores de posteritate præscribunt: priores possident, atque adeo illo ipse tempore possident, quo ab aduersarijs turbari possessio cœpta est, vbi & Vincentius, & Breuiarium Prædicatorum & Iacobus nulla, quæ iure valeat, possunt exceptione repelli. Quare inuentum corpus illud exigere ad leges historiæ, quibus subdititium probetur, singula narrationis commata reuoluere, vnde confutentur, & optimo Principi, Præsulibus & alijs illud videretur, hominis esset intemperanter abutentis & otio & literis. Quarta, quod monachi certum quoddam producere possunt martini 4. diploma, quo ad annum 1281. Senonensem Ecclesiam visitantibus in festo Magdalene Indulgentiæ conceduntur. Nos illud damus ex manuscripto codice

Bibliothecæ Thuanæ.

Martinus Episcopus seruus seruorum Dei venerabilis fratri Archiepiscopo, & dilectis filiis Decano, & Capitulo Senonensi. Translationem Sanctorum corporum, quam in Catholica Ecclesia Christianus cultus exequitur, sub quodam typo mysterij præfigurasse videtur ille filius accrescens, & decorus aspectu, qui de hoc sæculo transiturus fratribus veridica prædicatione promittens, quod ipsos Dominus post eius obitum visiteret, & ad terram promissionis ascendere faceret ex Ægypto, adiurauit eosdem, ut de illo loco eius ossa secum portarent, huius typi mysterium in peccatrice sanctissima, beata videlicet Magdalena, quæ ad pedes Domini lacrymis illos rigans, & capillis abstergens, profundis succussa singultibus, & ex intimis longa trahens suspiria, felleos humores euomit, remissionem obtinuit, peccata deposuit, & induit sanctitatem. Olim dum primo in regno Franciæ legationis officio fungeremur, apud Vizeliacum monasterium, VBI GLORIOSVM REQUIESCIT CORPVS ILLIVS, cum veneratione debita exequentes, illud claræ memoriæ Ludouico Rege Francorum, Prælatorum, & aliorum fidelium multitudine nu-

merosa praesentibus, de plumbeo sepulchro, in quo adhuc humiliter existeret, in thecam argenteam cum celebri solemnitate transtulimus, ut proinde impleretur in ea sacrae paginae veritas, dum ipsa in abundantia gloriae sepulchrum inueniretur ingressa, sicut in tempore suo tritici aceruus inseritur, ut de loco suo non solum pullularent laudibus ossa eius, sed ampliori pollerent gloria, de humilitatis tumulo ad cumalum maioris venerationis erecta. Decebat enim, ut sicut beatissimus eius spiritus aeternam luminis claritatem ingressus supernae gloriae secreto colitur, sic & eius corpus, licet adhuc terrenum glorioso quasi conseruationis horreo seruaretur. Tunc zelus noster, quem ad ipsam semper in multitudine deuotionis habuimus, velut ignis accensus persuasit efficaciter, & effecit, ut de tam pretioso thesauro nobis memoriale aliquod in spiritalis aedificationis auxilium, & assidue consolationis remedium seruaremus, sicque de ipsius glorioso corpore costam unam accepimus venerabiliter conseruandam, quam humilitatis nostrae deuotio nobis in minori officio existentibus, decenti adeo decorari procurauit ornatu, quod in illo se opus & materia mutuis excedere censerentur excessibus: Ipsum oculus cuius-

que miratur antistitis, & in eius contemplatione dextera obstupescit. Cuius pulchritudini accessit vernantium, & coruscantium gemmarum adiectio, in diuersitate colorum virtutes eiusdem beatissimæ Magdalene diuersas typicè representans: Ita tamen pretiosum memoriale prædictum idem ornatus includit, quod ab ipsius visione, quæ imaginis Angelicæ ministerio præsentium offertur aspectibus, oculorum aciem, cum sit Peruvia, non excludit. Donum verò peregrinationis nostræ exitum attentione sedula contemplantes, deliberauimus tam pretiosi thesauri particulam apud participantes nobiscum in ipsius deuota ueneratione deponere, ut etiam nobis deficientibus debita ueneratio non deesset. Considerantes itaque, quod in Ecclesia & ciuitate Senonensi Clerus, & populus eandem beatissimam Magdalenam singulariter venerantur, celebritatem ipsius solemniter celebrant, & celebriter eius solemnia Festa colunt, carissimum nobis memoriale præfatum, vobis per dilectum filium nostrum Ægidium germanum nostrum, in singularis deuotionis indicium destinamus. Accipite ergo illud alacritate debita, prosequimini reuerentia, quantum possibilitas patitur congrua, & honorificè in vestra Ecclesia collocare, ipsius beatissimæ Magdalene nos commendaturi patro-

cinio, quoties eius ageris solemnia, vel memoriam facietis. Vt autem ad eandem Senonensem Ecclesiam de cetero in eiusdem Magdalenæ festiuitate eò plenius confluant Christi fideles, quo se ob eius reuerentiam uberioris retributionis gratia remunerari perspexerint, Nos de omnipotentis Dei misericordia, & beatorum Petri & Pauli Apostolorum eius auctoritate confisi, omnibus verè pœnitentibus & confessis, qui ad eandem Ecclesiam in die festiuitatis eiusdem Magdalenæ causa deuotionis accesserint, singulis annis dies centum, eis verò qui infra octauas festiuitatis eiusdem taliter ad Ecclesiam accedēt eandem, quadraginta dies, de iniunctis eis pœnitentiis misericorditer relaxamus. Datum apud urbem veterem octauo Calend. Octobris Pontificatus anno primo.

Quod igitur in hac bulla de Magdalenæ translatione differit Pontifex, verum esse non potest, nisi falsum sit, quod anno superiori de reperto in Prouincia eiusdem corpore tradunt auctores, quos sub initium capitis laudauimus. Sicut contra istis verum affirmantibus, illud corpus de quo loquitur, supposititium esse debet. Igitur aut in prouincia, aut in Vizeliaei cœnobio

bio fraus facta est , de quo etiam & ab
 vtraque parte conuenitur : At in cœ-
 nobio factam esse vt quis affirmatè di-
 cat , non patiuntur exceptiones , qui-
 bus nouam Inuentionem explosimus ,
 non patiuntur Romani Pontifices Lu-
 cius , Urbanus , Clemens , Innocentius ,
 Martinus , non patitur sanctus Ludo-
 uicus Rex Gallix , non patiuntur Gui-
 do Episcopus Autisiodorensis , & Pe-
 trus Paneadensis Episcopi , non pa-
 tiuntur quotquot principes , & regni
 proceres magdalenæ translationi inter-
 fuerunt , non patiuntur Vincentius Bel-
 louacensis , & Breuiarium Ordinis Præ-
 dicatorum , non patitur vetus & tran-
 quilla possessio , neque patientur , quæ
 adhuc dicturi sumus. Non ignoramus
 corporis suppositionem æquè in iuno lo-
 co atque in alio fieri absolutè potuisse ,
 & ijs omnibus , quorum modo men-
 tionem fecimus , imponi. Sed hoc ad
 Aquensium & Prædicatorum sancti
 Maximini tuitionem quid conducit ,
 quorum noua Magdalenæ Inuentio sola
 recensione , tanquam necessario labe-
 factata motu concidit apud æquos re-

rum æstimatores?

Ceterum Guillelmus Paradinus *Annalium Burgundiæ* lib. 2. asserit, quæ & Martinus de sancto Ludouico, & sanctus ipse Ludouicus de seipso superiori capite testatur : *anno*, inquit, 1268. *Hugo Burgundiæ Dux sanctum Regem Ludouicum comitatus est ad Vizeliacum, quo perrexit visum beatæ Magdalene corpus, quod tunc honorabiliter releuatum est. Scilicet è veteri capsa, in nouam eamque pretiosissimam inductum.*

C A P. V. III.

Nouitium nouæ Inuentionis reliquiarum Magdalene inuentum refertur, & refellitur. Translationis ad Vizeliacum origo inuestigatur.

QUO tempore excitata inter Vize-
liaci monachos, & Aquenses con-
tentio periisse videbatur, lacertos mo-
uere cœpit, & quod facile sperandum
fuit, Prædicatores sancti Maximini de
Bonifacij 8. de Benedicti II. de Ioan-
nis 22. rescriptis sibi prouiderunt, qui-

bus Magdalenaë corpus in monasterio sancti Maximini quiescere confirmatur. Hoc discimus ex Philippo Cabellicensi, qui hæc quidem rescripta non refert, sed in monasterio Prædicatorum (id est in archiuis ab omni fraude alienis) asseruari testatur in Libello, quem ad annum 1355. Patriæ, vel Prædicatorum sancti Maximini, vel etiam præsumptæ veritatis amore, aduersus Vizeliacenses conscripsit.

Ceterum quicquid in Apologia disputat Philippus, tres in partes commodè distribuitur. In prima refert factam in villa, quæ nunc oppidum sancti Maximini vocatur, Magdalenaë translationem, quam & ex eodem auctore vt plurimum recensuimus, & vnâ dispunximus. In secunda Vizeliacensium & Prædicatorum sancti Maximini dissidium lepidissimè componit: Vizeeliacenses, inquit, monachi ex Prouincia corpus quidem non Magdalenaë, sed aliud transtulerunt, cum quod transtulêrint in Aquensi iaceret vrbe, at Magdalenaë corpus in loco, vbi nunc est monasterium sancti Maximini, qui-

escibat. Qua in re monachos olim
 egregiè deceptos traducit Philippus.
 Ingeniosum quidem istud inuentum
 est, sed in re historica infirmum. Et re-
 uera, si penitius inspiciatur, quid aliud
 est, nisi, postquam de Vizeliacensibus
 victoriæ spes excidit, honorabili quo-
 dam stratagemate receptui canere? Hęc
 aduersus Philippum perinde disputa-
 mus, quasi Magdalenæ corpus Aquis,
 vel in Aquensi pago iacuisset, quod ex
 Græcorum & Latinorum traditione
 Ephesi sepultum fuisse docuimus. In
 tertia parte auctor rationum genera duo
 complectitur, quibus efficit Magda-
 lenæ corpus remansisse semper eo in
 loco, vbi quondam metu Sarraceno-
 rum Prouinciam vastantium pij homi-
 nes occultaucrunt. Ratio vna compa-
 ratur ex bullatis trium memoratorum
 Pontificum apicibus, quos si retulisset,
 retulissemus. Altera ex aliquibus du-
 citur signis, quæ ad assertionem Mag-
 dalenæ facta contendit: Hinc mandi-
 bula magdalenæ, quæ Romæ apud Bo-
 nifacium octauum erat, reliquo capi-
 ti, quod nuper habuerat Sicilia Rex,

dum Inuentio facta est, coniuncta sic adcorporatur, vt perfectam in ijs partibus conformationem exhiberet. Inde cuidam Lugdunensi Recluso, *cum intentiuis imaginationibus vacaret*, apparens Magdalena reuelat velle se, vt sex Fratres Prædicatores, qui hora tertia per eum locum transaturi erant, in vicino oratorio sibi dicato, monasterium conderent; atque in huius rei notam adiecit, (quod adiiciendum erat) Sanctam Prædicatorum Religionem sibi in suo peculiari Sancti Maximini habitaculo seruire. Hinc tandem Lausannæ in Prouincia Maxima Sequanorum Prædicatores, cum receptas à Vizeliaco Magdalena reliquias haberent, & ad expellendum ab obsessio Dæmonem adduxissent, Dæmon se illarum efficaciam non sentire profitetur. Hæc est totius Apologiæ summa, quæ quantifit roboris ad asserendam nouam Inuentionem, ad vindicandam Prædicatoribus sancti Maximini magdalenam, cordatorum hominum nemo non videt. Porro illustriora sunt miracula, quæ pro Vizeliacensi translatione referunt Mon;

britius , & frater Iacobus Genuensis ,
 auctor hac in parte non suspectus. Ve-
 rum illis , quia necesse non est , refe-
 rendis supersedemus. Sed multorum
 instar vnus esse poterit Innocentius
 3. hac Epistola ad Abbatem & Con-
 uentum Vizeliacensem :

*Innocentius Episcopus seruus seruorum Dei
 dilectis filiis Abbati , & Conuentui Vizelia-
 censi salutem , & Apostolicam benedictionem.
 Licet is , de cuius munere venit , ut sibi à fi-
 delibus suis dignè ac laudabiliter seruiatur ,
 multo eis maiora retribuat , quam valeant
 promereri , desiderantes tamen reddere Domi-
 no populum acceptabilem , ipsos ad benè ser-
 uendum ei , quasi quibusdam illectiuis muneribus ,
 Indulgentijs scilicet , & Remissionibus in-
 uitamus. Cupientes igitur , ut Monasterium
 vestrum , ubi venerandum CORPVS BEA-
 TÆ MARIE MAGDALENÆ INNUME-
 RIS CORVSCANS MIRACVLIS sub cele-
 bri custodia venerabiliter conseruatur , congruis
 debeat honoribus frequentari , omnibus verè
 pœnitentibus , & confessis , qui ad Monaste-
 rium ipsum in solemnitate ipsius sanctissimæ
 Domine , ac octo diebus sequentibus causa
 deuotionis accesserint annuatim , de omnipotentis*

Dei misericordia , & beatorum Petri & Pauli Apostolorum eius auctoritate confisi, quadraginta dies de iniuncta eis pœnitentia annis singulis misericorditer relaxamus. Datum apud S. Stephanum nonis Nouembris Pontificatus nostri anno 2. Hæc ex Archiuis Vizeliaci. Huc non malè quis reuocabit , quæ suo tempore accidisse scribit Monachus Autisiodorensis in fine Chronici : Eodem anno (1211.) Apud urbem Lemouicæ matrona quædam nobilis virum habens , graui infirmitate decumbens occubuit , & peractis obsequijs sudario inuoluta iuxta morem fidelium seruabatur , cum ecce subito de morte resurgens , stuporem ingerit vniuersis dicens , beatam sibi apparuisse Mariam Magdalenam , sibi que tetigisse labia , seque ita spiritum resumpsisse. Quocirca ut gratias referret in festo eiusdem Sanctæ Vize-liacum veniens , cum plurimo comitatu sudarium , quo fuerat obuoluta , detulit ad altare , secum adductis testibus plurimis , tam suæ resurrectionis , quàm mortis.

Philippo successit in eadem defensione Siluester Prieras , qui ad annum 1520. hanc materiam retractat: primùm quidem vulgatam Magdalenzæ histo-

riam transcribit, deinde pluribus recenset, quomodo circa annum 1280. Magdalenæ inuentio facta sit in Aquensi Pago, quomodo magdalenæ Carolo Siciliae Regi apparuerit, & quid ei præceperit, ut iam notauimus: tum ad extremum de eodem Rege à Barcinonensibus capto, & precibus magdalenæ liberato portentosa quædam mendacia comminiscitur, vel à suis excogitata refert, quæ pudet me referre. An autem aliquid aliud postea ultro citroque factum sit, nec vidi, nec audiui.

Supereſt modò, ut cum superioribus capitibus legitimam Magdalenæ possessionem Vizeliaco addiximus, possessionis originem inuestigemus. Hanc dabit in Chronico Cameracensi Baldricus Nouiomensis Episcopus, qui anno 1112. obiit. Ille igitur, ubi lib. 2. de Cameracensis parochiæ monasteriis, eorumque foundationibus differit, sic cap. 43. factam Hierosolymis ad Vizeliacum Magdalenæ translationem affirmat: *Est Monasterium quoque Canonorum in honore Apostolorum Petri & Pauli in vico, qui dicitur*

citur *Lutosa*, quod construxit beatus *Amandus*:
 & est diues abbatia, ubi vir Dei *Venerabilis*
Baidilo requiescit, qui corpus sanctæ *Mariæ*
Magdalænæ de *Hierusalem* in *Burgundiam*
 in loco *Verceliaco* attulisse dicitur. *Baldrico*
 succinunt hæ *Lutosensis* Ecclesiæ lite-
 ræ, ex tabulario *Vizeliaci* deprom-
 ptæ:

*Vniuersis Christi fidelibus, quibus præsen-
 tes literas videre contigerit, Ingo Decanus,
 totumque Lutosensis Ecclesiæ Capitulum, &
 vniuersus eiusdem loci Conuentus perpetuam
 in Domino salutem.. Præsentium testimonio
 notum facimus vniuersis, quod os illud, quod
 per venerabilem Patrem Dominum nostrum
 Godefridum, Dei gratia Cameracensem Epif-
 scopum, Abbati & Conuentui Vizeliacensis
 Ecclesiæ, ad instantiam ipsius & preces trans-
 misimus, extat sine dubio de reliquiis beati
 Badilonis, quondam Ecclesiæ nostræ Abbatis,
 qui etiam venerandum corpus beatæ *Mariæ*
Magdalænæ in Ecclesia *Vizeliacensi* quondam
 dicitur attulisse. Nos ad maiorem rei certitu-
 dinem fecimus, os præfatum memorati Confes-
 soris in loco quodam mundo sub sigillo nostro
 firmiter intercludi, & præsentès literas eius-
 dem sigilli impressione muniri. Actum in Ec-*

clesia Lutofensi anno Dominicæ Incarnationis 1221. Calend. Iunij.

Ecce tibi edita magdalenæ translationis origo, sed ex quo fabulosa Magdalenæ, & Marthæ gesta per hominum mentes, libros, quarundam Ecclesiarum Breuiaria, & bibliothecas peruaserunt, tot commentis inspersa est, ut iis etiam Vizeliacenses indulserint aliquando. Etenim siue ut suam translationem absolutè probarent, siue ut eam aduersus Aquenses defenderent, non curarunt, unde reliquias Magdalenæ haberent, modo habere se probarent. Quare in quibusdam translationis libellis, qui in manuscriptis Bibliothecarum circumferuntur, translatum ab Aquensi vrbe corpus magdalenæ scripserunt, pluribus etiam antè annis, quàm Monasterium Vizeliaci conderetur.

Verum hîc duo in Baldrico consideranda sunt, nequis adhuc fabulandi ansam arripiat. Primum, quod beatæ Magdalenæ corpus Vizeliaci iam fuerit, quo tempore scribebat, licet de eo, qui ex Oriente illuc attulerit, non tam affirmatè pronuntiare videatur. Se-

cendum ; quod in Baidilone Baldricus piæ in Orientem' profectio-
nis scopum, hoc est, Hierosolyma spectavit ex
usu & more temporis, unde cum redi-
ret Baidilo, Constantinopoli, quò Leo
Imp. Magdalene reliquias Epheso tran-
stulerat, easdem in Galliam reportauit.

Nunc igitur habemus & locum,
unde, & quò Magdalene corpus trans-
latum est, & personam, quæ transtu-
lit, sed certum translationis tempus
nondum habemus, de quo animadu-
ertimus duo : alterum quod Magdalene
reliquias ad Vizeliacum non prius
transportauit Baidilo, quam Monaste-
rium fundaretur à Gerardo Burgundie
Comite, qui Carolo Caluo Rege vi-
xit, vt fidem facit charta Precepti, quo
Carolus ad annum 868. concessum ab
Apostolica sede monasterio priuile-
gium confirmauit. *Comperiat igitur, in-*
quit, omnium fidelium, sanctæ Dei Eccle-
siæ, nostrorumque presentium, & futurorum
solertia, quia carissimus, valdeque amantis-
simus nobis Gerardus illuster comes, ad nostram
accedens celsitudinem innotuit, qualiter diuini
ardoris face succensus, ob Dei & Domini na

stri Iesu Christi, sanctæque Dei genitricis Mariæ semper Virginis amorem, & honorem unacum consensu nobilissimæ coniugis suæ Berthæ, de rebus suæ proprietatis intra regnum nostrum Burgundiæ, in pago Aualensi, in parochia Augustodunensis ciuitatis in loco, qui dicitur Virziliacus, quoddam monasterium construxerit, & in honorem sanctæ Dei genitricis Mariæ dedicari fecerit, &c. Datum 7. Idus Ianuarias indictione prima anno vicesimo octauo, regnante Carolo gloriosissimo Rege. Quod hoc etiam tempore vixerit Gerardus Comes, testatur Chronicum monachi Autisiodorensis: Anno, inquit, 865. corpora Sanctorum martyrum Eusebii, & Pontiani Comes Girardus de Rosilione largitione Papæ Nicolai, ab urbe Roma in Gallias transtulit, & beatum Eusebium Pulteriaci, Pontianum verò Verzelliaci, in monasterijs scilicet, quæ ipse fundauerat. Hæc cum ita sint, non vna in re falluntur, qui forsan similitudine nominis (Caroli) decepti, magdalenam Aquis Sextiis ad Vizeliacum translata modo ad Caroli martelli, vel Pipini, modo ad Caroli magni ætatem reduxerunt. Alterum animad-

uertendum illud est , quod Vizeliaci Chronicum in annum 1316. desinens factam anno 849 translationem tradat , qui Caroli Calui Regis nonus est. At cum recentiores quidam translationis libelli eandem anno 749. factam exhibeant, dum Ludouicus cum Carolo filio regnaret, in pluribus hallucinantur. Primum enim annus 749. vno plus minus sæculo monasterij foundationem, Ludouici imperium, Caroli Calui regnum antecedit. Et licet pro anno 749. reponeretur annus 849. hic nonnisi Carolo conueniret, cum iam inde ab anno 840. fatis concesserat Ludouicus. Certam verò habet Translationis epocham Charta Caroli Regis , quæ cap. 6. ab Episcopo Antisiodorenfi laudata est. Sed cum annus chartæ non referatur, nec eam videre licuerit , coniiciendum nunc est , ad quem Carolū illa pertineat. Ad Carolum imprimis Caluum non pertinet, cum octo annis extinctus sit ante Imperium Leonis Sexti, qui Magdalene corpus Epheso Constantinopolim transtulit. Ad Carolū Crassum vix pertinet , quia vlti-

mus annus Crassi secundus est Leonis Imperatoris , qui corpus Magdalenæ fortassis nondum transtulerat, aut templum , cui illatum est , edificauerat. Ad Carolum ergo Simplicem pertinere videtur , qui ab anno 898. ad annum 923. in Gallia regnavit. Deinde siquid crueri veri ex Aquensibus fabulis liceret, Odone Rege translatio facta est , quod tunc facilè Carolus Odonis in regno successor Magdalenæ translationis meminert ; qui & præterea Vizeliacensibus nonnulla priuilegia, & immunitates concessit , vti Ludouicus Sextus in charta quadam Siluaneæ data 6. nonas Aprilis anno 1128. testatum reliquit. Quare Vizeliaci Chronicum iuxta mendosum est , ac recentiores translationis libelli, atque adeo translatio illa contigit post mortem Gerardi Comitis , quem Ioannes Papa octauus epistola 210. & 211. iam mortuum significat.

Assertum igitur habemus ad Vizeliacum magdalenæ translationis tempus , cui circa annum 1050. post Deiparam, Petrum & Paulum dedicari cœpit monasterium. Quin etiam progressu tempo-

ris eò res deuenit, vt beatæ Mariæ Magdalenaë Monasterium appellatum sit, vt colligitur ex lib. 1. Epistolarum Decretalium Innocentij 3. vbi Pontifex nunc de Iuribus *Monasterij beatæ Mariæ Magdalenaë Vizeliacensis* agit, nunc ad Gerardum Abbatem *Monasterij beatæ Mariæ Magdalenaë Vizeliacensis* scribit.

Quoniam verò fieri potuit, vt Baidilo ex sua in Orientem profectioe rediens ad Prouinciam appulerit, & ibi per aliquod tempus remanserit, inde forsan otiosi homines vero falsum superstruxerunt, & tot commentitijs narrationibus mundum oppleuerunt.

De Maximino autem fingendi quæ finxerunt, nullam omnino nacti sumus occasionem. Vbi tamen nobilis illa marthæ pedissequa Irenæum Lugdunensem, qui ad annum 200. Eutropium Arausicum, qui ad annum 470. Austregisilum Bituricensem, qui ad annum 600. vixit, Iudæos fecit, & Magdalenaë naui imposuit, quid secundum ista vetaret, quominus tam illustris opifex ex Maximo Aquensi, qui ad annum 540. floruit, maximinum face-

ret, eumque recutitum, quem deinde cum aliis tumultuariò raptum, in illud genus laceri myoparonis contruserit?

Quod autem spectat ad Lazarum, omnibus de illo coniecturis viam intercludit Martyrologium Æduense, in quo hæc supra quam dici possit, absurda narrantur, primò Calendis Septembris: *Natalis sancti Lazari Martyris, quem Dominus suscitavit à mortuis*: deinde 16. Calend. Ianuarij: *Natalis beati Lazari Martyris, quem Iesus Christus, sicut in Evangelio legitur, suscitavit à mortuis. Postea verò à Domitiano interfectus est. Corpus verò eius à Tito & Vespasiano apud Urbem Massiliensem deductum est, deinde post multa annorum curricula à Gerardo Antistite, permittente Deo, apud urbem Æduam cum gratiarum actione iterum deductum est. Item beatæ Marthæ sororis eius, quorum venerabilem memoriam extructa Ecclesia non longè à Bethania, ubi vicina domus eorum fuit, conseruat.*

In hocce martyrologio pauciora esse commata, quam errores quis non deprehendit? 1. Qui Lazarus in omnibus retro Martyrologiis, & Menologiis
Martyr

martyr non est, hinc martyr appellatur.
 2. bis mortem sustinet pro Christo, sed
 non in Galliâ, contra quàm in Marty-
 rologio Galliæ scriptum alibi, & erratum
 quoque repræsentauimus. 3. ab eo Im-
 peratore interfectus dicitur, quem per
 etatem videre non potuit. Suscitatus est
 à Christo Lazarus an. 34. & in antiquis
 traditionibus, quas ex Epiphanio ob-
 seruauimus, postea vixit annos tantum
 triginta, ac proinde anno Christi 64.
 excessit. Atqui Domitianus anno 83.
 Imperium iniuit. 4. Lazari reliquias
 Massiliam deduxerunt Titus & Vespas-
 ianus, qui ante Domitianum perie-
 rant. 5. Religiosum erga Lazari reli-
 quias cultum tribuit Ethnicis Impp.
 6. Quod Gerardus Augustodunensis
 Episcopus Lazari reliquias massilia non
 transtulerit Augustodunum, ex Honorio
 Augustodunensi satis commodè dedu-
 ximus. In summa qui nonnihil cum
 Martyrologiis Ecclesiarum habet com-
 mercij, nullo negotio animaduertet,
 hæc omnia, quæ discussimus, Marty-
 rologio Eduensi ab imperito quodam
 inserta esse, & ad radicem horum ver-

Q

borum , *quem Dominus suscitavit à mortuis* , stolonis in modum excreuisse. Quare nisi Lazari corpus , quod Cytio Constantinopolim transtulit Leo , habuerint aliquando Massilienses & Ædui , nullas Lazari , quem Christus excitavit à mortuis , reliquias vnquam habuerunt. Ipsi igitur viderint. Sed cum hac de re nihil certi sit nobis , nihil quoque aliud pro certò volumus affirmare.

Nazarium Massiliæ Lectorem primo Arclatensi Consilio interfuisse legimus , sed vtrum Nazarius postea Massiliensis Episcopus , & ex Nazario tandem factus fuerit Lazarus , cuius inuenerint reliquias , & apud Æduos transtulerint , nondum legimus : Tempore beati Augustini fuisse Lazarum quendam in Provincia Episcopum scribunt , sed vtrum ille fabularum in partem venerit , nescimus. Ex iis tamen , quæ de Maximino paulò antè disseruimus , satis apparet , vtrumque , vel alterutrum , immo & quiduis aliud absurdius non esse ei factu difficile , qui Magdalenæ nauem instruxit , & tot diuersarum ætatum Præsulibus impleuit.

CAP. IX.

Necessariæ quædam in posteriorem Dissertationis partem observationes.

QVÆ causa fuit, ut nonnullas in priorem Dissertationis partem observationes comparauerimus, eadem & nos impellit, ut in posteriorem comparemus. Nam etsi hæc posterior pars breuioris temporis interuallo definitur, multo tamen plura continet, quàm prior, quæ in veritatis tantum assertione versatur, at ista & pristinam veritatem complectitur, & eam à fabulis, quas recens ætas enixa est, defendit. Observatio prima. Vetus de Magdalena, Martha & Lazaro, traditio in omnibus fermè Ecclesiarum Martyrologiis, & Menologijs hucusque conseruata est. Quæ vero à quingentis plus minus annis, de tribus illis Sanctis inducta sunt in quarundam Ecclesiarum Officia, traditionis nomen non merentur: Immo veræ traditionis maiestate, & splendo-

re damnantur. Neque enim quæcumque opinionis alicuius progressio, æui auctoritate se tuetur, sed ea tantum, quæ quod ab initio posteris traditum est, conseruat. Qua quidem in re oppidò falluntur, qui quodcunque in quibuscunque cuiuslibet Ecclesiæ libris offendunt, id citra vllum discrimen illius Ecclesiæ fidei, & traditioni continuò adscribunt. Sed meo iudicio nihil vlli Ecclesiæ incommodare debet hominis hallucinatio, qui nullum veræ Theologiæ, vel Historiæ gustum habet.

Secunda. Quæ de Lazaro, & Maximo, de Magdalena & Martha, quibusdam Martyrologijs, & quarundam Ecclesiarum Officijs illata sunt à primis traditionibus aliena, id totum factum est priuatorum hominum studio, non publicâ Catholicæ Ecclesiæ sententiâ. Quin etiam illa suis in Concilijs statuit, vt Ecclesiastica officia corrigèntur, in quibus quid alienum à veritate reperiretur. Quare magnam laudem meretur Capitulum generale Fratrum Prædicatorum anni 1551, quod Breuia-

rium suum multis historijs, seu gestis
Sanctorum apocryphis, & minus nonnun-
 quam verisimilibus plenum expurgari vo-
 luerit. Sed maiorem sine dubio laudem
 meruisset, si in officio beatæ marthæ,
 non ea tantum, quæ stupidissimo cui-
 que videbantur ridicula, expunxisset,
 verum & cetera, quæ licet minus ab-
 surda sint, non minus tamen à vero, &
 antiquis traditionibus abhorrent. Quod
 cum animaduertissent, qui primi sub
 Pio quinto Romanum Breuiarium re-
 formarunt, ista omnia sustulêre, nec
 retinendam Magdalenę & marthę hi-
 storiam duxerunt, quamuis illa sub
 Paulo 3. in compendium redacta, pau-
 cioribus fabulis scateret. At si eam ob
 rem Correctoribus illis gloria tribuenda
 sit, alii nullatenus commendari pos-
 sunt, qui sublatam è Breuiario Roma-
 no magdalenę & Marthę historiam, non
 multo post tempore restituerunt.

Mediolanenses in Breuiario suo, quod
 editum est Venetiis anno 1539. de actis
 Marthæ ab eius pedissequa scriptis nihil
 legunt, sed ex aliis B. Ambrosio affi-
 ctis legunt, Martham habuisse positam

in viridario suo Christi imaginem, & ex herbis circumnascentibus infirmos persanasse, & alia id genus tribus lectionibus complectuntur. Sed hæc & illa acta siue ad fictos auctores referas, siue inter se committas, mutuis accisa præliis, & vulneribus corruunt, & in vagum puluerem fatiscunt.

Tertia. Quamvis ex traditione veterum latis constet, Lazarum nulli unquam Ecclesiæ præpositum fuisse, multo tamen verisimilius ad ipsum pertinet Cytii, quam Massiliæ Episcopatus. Quid enim? Illæ omnes Galliarum Ecclesiæ, in quibus memorata Lazari Prosa recepta est, pro Cytienfibus contra Massilienses attestantur, at massiliensibus nulla Insulæ Cypri, vel Orientalium Ecclesia contra Cytienfes suffragatur. Deinde ut falsa sint, quæ Augustodunense Martyrologium de Lazaro canit, illa certè, si quid intelligis, non minus officiunt Massiliensium causæ. Sed Cytienfibus nihil profunt, nec etiam nocent, quia finguntur à Latinis. En tibi pro Græcis, quod suo loco prætermisimus, aliquod metricum

Prosphonema ex Menæis, 17. Οἱ ὁβρις.

Αἰρουσα χειρὸν τῷ φίλῳ πόλις πύλαι

Δάσαρε δούρο χειρομνήτως λέγει.

Constantinopolis relegens vestigia Christi

Talibus exclāmat, Lazare adesto foras.

Quarta. Quod in nostris quibusdam martyrologiis duplex dies tribuatur Marthæ, ex eo nullum quæritur præsidium Gallico Martyrologio, ubi duobus diuersis diebus Lazarus mortem tulit. Etenim in nostris martyrologiis, cum nulla natalis marthæ mentio fiat, de alio atque alio festiuitatis genere commoda erit explicatio. Sed quod mors Lazari primū contigerit primo Septembris, deinde decimo septimo Decembris, tam perspicuè repræsentat martyrologium Gallix, vt tam facile fit in neutro, quam in alterutro tantū loco Lazari mortem interpretari.

Quinta. Qui in subditiorum marthæ & magdalenæ gestorum defensionem oppignerant Ecclesiam, nihil aliud moliantur, quā Ecclesiæ lucem inobscurare, & maiestatem iis, qui scorsim à nobis per Religionem sentiunt, riden-

dam exponere. Sed siue consilio, siue casu id moliantur, peræque officiunt Ecclesiæ Dei, quæ ad ingenerandam hominibus veram pietatem non curat, quid immurmures, aut mugineris. Hæc quamlibet excusanda temeritas, notari tamen semper debet, ne forsan Catholicis aliquando obiiciatur ab iis, qui sunt foris. Popularis fidei ruinam, & piæ credulitatis periculum haud timuit Baronius, dum Iacobum Hispaniarum Apostolum esse negauit. Duæ tamen sunt illæ machinæ, quibus non minus ineptè, quàm indefinenter à fabularum patronis arietamur, quibus in Breuiaria retruduntur, quæcumque ex iis apocrypha sustulit Ecclesiarum pietas, quibus tum demum nos religionem, non quæ illa ducit, sed quæ ducere vult populus, sequi oportet. In summa beati martini exemplum lex esse debet omnibus, qui viuendo sinceram pietatem colunt, & qui scribendo leges historiæ non negligunt.

Sexta. Cum vetus traditio, cuius fidem faciunt ea omnia Martyrologia, quæ in vtraque Dissertationis parte laudauimus,

dauimus natalem marthę defigunt Hierosolymis, nihil planè est, cur nescio quorum hominum figmentis in alium locum traducamus. At si recens traditio præferatur antiquæ, de legibus, & instrumentis veræ traditionis, & historiæ conclamaturn erit.

Septima. Diuersa de nauigationibus, & exilio Magdalenæ figmenta recensuimus, & sola propemodum recensione displosimus, nequid vetus traditio iacturæ pateretur; qua Magdalenam Ephesi quieuisse, & eius inde reliquias Constantinopolim translatas esse constat, nullo quoad locum mortis per annos plusquam mille reclamante. Quod elapsi à prima rei origine temporis spatium, nisi sufficiat ad veræ assertionem traditionis, nescio, an vllum aliud sufficeret vnquam. Quare qui huic traditioni refragabitur, videat, ne per communes locos sapiens reiiciendis ceteris traditionibus viam aperiat, & ipse in sua venabula incurrat. Quod summum esset imprudentiæ genus, nec ferendum.

Octaua. Magdalenæ translationem reiectis fabulis Vizeliaco vindicaui-

mus, & ad repetendas aduersus ὁψιμα-
 γίαν Aquensium, & Prædicatorum san-
 cti Maximini vindicias, quatuor Ro-
 manos Pontifices, Lucium, Urbanum,
 Clementem, Innocentium, deinde bea-
 tum Ludouicum Regem, Regnique
 proceres, tum duos Episcopos Auti-
 fiodorensem & Pancadensem, denique
 Martinum 4. produximus, testes omni
 exceptione maiores. Personam quæ
 transtulit, & translationem intra
 certum tempus sic asseruimus, vt in re-
 bus tam illustribus siquis non abnuit,
 sed ambigit, sponte ne videat, oculos
 claudit. At verò, vt ait Tertullianus,
*sue vitio quis quid ignorat. Quod autem
 ignoratur, fuit tam requirendum, quam re-
 cipiendum, quod agnoscitur.*

Nona. In hac translationis causa Vin-
 centium Bellovacensem, Breuiarium
 vetus Ordinis Prædicatorum, & Iaco-
 bum Genuensem adduximus, non quia
 nobis in omnibus, sed quia Prædica-
 toribus sancti Maximini non possunt
 non esse idonei testes. Ptolomæus Lu-
 gensis, Bernardus Guidonis, & Silue-
 ster Prieras pluribus ab hac lite rationi-

bus repelluntur. Verum tres isti cum tribus aliis commutentur, aut committantur, qui omnes mutuo licet interdiciant conflictu, salua tamen nostræ translationis veritas consistet.

Decima. Ex tota Dissertatione nemo non videt opinor, qui aliquid videre potest, scriptorem illum nuperum, qui sub e mentito CHRISTIANISSIMI DOCTORIS cognomine versati in luce Parisiorum non erubuit, debere in seipsum tribus de causis vehementer irasci. Vna est, quod tam enormiter illuserit Galliæ, Italiæ, Hispaniæ, & toti rerum vniuersitati, quibus conelamatæ historiæ credulitatem, omni deposita fronte affinxit; Lazarum quippe, & sanctas eius sorores cum sancto maximino, & sancta marcella in Prouinciam appulisse anno Christi 44. Altera quod non grauibus quidem viris, quia nec dignum iudicant, sed aniculis mulieribus tam effusè deridendum se propinarit, vbi, post laudatos quinque nominatim scriptores, quorum aliqui hodieque viuunt, alij nuper interierunt, hoc est, vnum aut alte-

rum vniuscuiusque nationis hominem, cum B. Augustino exclamat, eum non esse sapientem, qui negat, quod vniuersa credidit antiquitas. Tertia, quod de tot vniuersæ Galliarum historiæ libris, quos suos & ipse, & in loco non suo venditat, opinionem eruditi homines non bonam concepturi sint, & iactatum opus ex hoc tam infelici specimine Volusij annalibus adnumeraturi.

Ultima. In hac altera Dissertationis parte non dissimulauimus, permultos doctrina & sanctitate conspicuos auctores, minus perspectam habuisse Lazari, Magdalenæ & Marthæ historiam, immo fabulosis quibusdam illorum gestis nimium fidei dedisse ostendimus. Sed ista nihil poterunt vnquam aduersus summa & inuictissima iura veritatis, quæ vt ait Baronius anno 109. num. 51. *nulla plurimorum seculorum valent præscriptione lædi, nec innumera testium multitudine obrui & labefactari.* Et sanè nisi quidam scriptorum in historiis habeatur delectus, & seruentur leges, quas in præfatiuncula statuimus, nihil erit tam certum, tamque indubitatum,

quod in controuersiam non mittatur. Nempe nulla ut fœditas sine amatore, sic nulla est sine patrono fatuitas. Ex illis tamen, qui de rebus Magdalenæ, Lazari & aliorum tractarunt, plures per ætatem aliquatenus excusandi sunt, tum quia qui res à suo sæculo tam remotas scribunt, facilius labuntur, tum quia præ multitudine figmentorum, quibus opprimebantur, vix licuit omnibus ea quæ scriberent, ad certam amussim expendere. Aliud verò diu expendere quæ scribas, aliud simpliciter scribere, quæ alius scribendo fortè non expendit. Hæc autem toto cælo distare qui nesciunt, in summa rerum omnium ignoratione versari, necesse est. Neque cum illis rem vllam habere volo, qui ut ait beatus Augustinus lib. 12. Confess. cap. 25. *sententiam amant suam, non quia vera est, sed quia sua est. Alioquin & aliam veram pariter amarent, sicut & ego amo, quod dicunt, quando verum dicunt, non quia ipsorum est, sed quia verum est. At ideo iam nec ipsorum est, quia verum est. Si autem ideo*

amant illud , quia verum est , iam &
ipsorum est , & meum est , quoniam in
commune omnium est veritatis amatorum.

FINIS.



Excerptum ex Breuij macty colage
Albatia Monialium sancti 2' aurenti
Bituricensis ordinis sancti Benedicti
~~A~~ n. Calend. Augusti: A pnd E
sancta Maria Magdalena.

ॐ नमो भगवते वासुदेवाय
सर्वभूतहितं कुरु सर्वदा
सर्वदुःखहर्त्रा सर्वपापहर्त्रा
सर्वकलहर्त्रा सर्वद्वन्द्वहर्त्रा
सर्वदुष्टहर्त्रा सर्वदुर्गाहर्त्रा
सर्वदुर्गहर्त्रा सर्वदुर्गाहर्त्रा